

兩浙輶軒續錄

兩浙輶軒續錄卷二十九目

范元偉 王言 李貽德 虞廷策 何綺

張振夔 葉樹勳 孫承福 趙籍 蔡大樾

裘肇鼎 王文誥 金濤 曹宗載 許增

許懋堇 吳之瑛 王徵 胡永成 張仁鑾

汪濬 徐正梧 鍾浩 趙沖九 葛培元

陳景沛 黃廷議 黃廷誥 王立誠 朱兆泉

魏斌 洪晉煊 洪乾煊 洪益煊 戚祖姚

陳世環 陳熙晉 潘燠 董旂 楊九畹

邵正笏 朱瀾 孫銜 徐士芬 張枋

趙存洵 胡湜 黃徵乂 喀朗 徐璋

朱恭壽 許樸 張湘任 吳勤邦 汪耀文

黃桐孫 周宏嗣 王日勉 錢斌 王洽

曹應樞 周衣德 徐葵生 胡容松 鄒志路

劉燦 吳紹閻 錢桂霖 楊梓 王蔚文

李之昉 趙魏 趙觀海 高醇 孫震元

馬錦 朱錫蕃 丁芸 朱芬 劉廷楷

徐畿 汪淮 沈珏 費鈞 戴珣

沈燮 卞期元 盛存楷 李希周 陳郁

許乃普 俞焜 馮登府 陸沅 韓鳳修

郭象升 汪百祿 鄭宗翰 嚴鼎臣 吳玉樹

高第 陳景潮 戴縉 董旅

兩浙輜軒續錄卷二十九

督學使者潘衍桐訂

范元偉

字春船錢塘人嘉慶戊寅舉人官太平教諭著皋亭山館詩草四卷

文

杭郡詩三輯春船嘗繼其舅氏仇一鵬廣文典守
為諸侯上客一權石門校官有語歷游吳楚齊魯燕趙晉

富年逾六十選太平教諭諸生釅金刊其詩稿

馮錫鏞序畧春船嘗為子選定于滇集投分至密其詩

不名一格大抵出入香山玉局劍南諸大家而能自道
其性情者

柳節婦詩

婦氏仇夫氏柳十五新嫁娘十七作嫠婦奉姑撫嗣四十年
卒于道光歲乙酉婦生明大義言笑少不苟結褵甫一載阿
翁姓名隸北斗夫以死繼之鴛鴦一朝喪其偶人咸謂婦當
必死婦哭而起曰否否堂上有老姑膝下無黃口可使妾無
夫敢使翁無後先立叔次立子酌酒奉姑跪上壽如何姑亡

叔又卒家運年年厄陽九茹荼傷妾心拔棘傷妾手傷手手
猶可傷心心難剖可憐垂老命之窮不及見兒能荷負嗚呼
死節易守節難如婦之名乃不朽如婦之名乃不朽柳節婦
籍浙右

屠琴鳴

倅

於眞州僧舍得蚌中七佛像作詩索和

眾性孕佛性同證菩薩相哀哉螭角內蠻觸紛相向我佛大
慈悲說法誓不妄現身蚌殼中具好端嚴狀一粒大圓通七
寶開祕藏直從苦海邊渡向諸天上屠侯偶得之潛園歸供
養嗟我久江湖稽首迷途訪

吳蘭雪

蘭梁

偕汪孟慈

喜孫

龔定庵

自珍

祭翁覃溪王

蘭泉李松雲諸先生於法源寺之棗花堂予適與焉

因紀以詩

感逝懷恩涕欲漣諸君高義徹幽泉當時風雅壺觴地今日
清明麥飯天姓氏半編先友記文章共賦大招篇九原可作
應憐我市上吹簫舊少年

并祀劉芙初
蔡浣霞諸君

不見顧南雅

純

幾二十年矣昨遇於涵秋閣中彼此歡

然道故翌日往答而南雅遽歸道山詩以挽之

廿年纔一見君驂鸞鶴我伏鼠一見劇千秋我有素髮君黃
土昨日歡歌今日哭石光電火何太速春風春雨爲招魂壁
上古梅花一幅

南雅工
畫梅

閨重陽日龔定庵

自珍

戴醇士

熙

王蘭谷

言

招集吳紅

生

寶晉

齋中醇士作圖以記予以事不果往卽次圖

中原韻寄題

人生幾遇重陽閨

自乾隆

丙子

閏重陽

後至今

七十七年

矣難得今朝更值閒歡

喜諸君剛放假破除往例不登山盍簪小集藤蘿下妙墨添

題詩畫閒

吳香亭太常有聞重陽詩並繪圖以記紅生其哲嗣也

叢菊兩開應笑我片

雲何自隔城關

時予寓內城

王

言

字健夫號蘭谷仁和人嘉慶戊寅舉人官壽昌訓導著桂陽草堂集

丁

丙日蘭谷丈赴公車者十一度嘗館阮文達京邸

懷

室中周泰鼎彝宋元書畫皆得寓目尤好古泉刀幣

購

數百品摩挲為樂後以大挑就冷宦課士之暇著述

白

娛如春秋推日編綱鑑推日編月令粹編補遺五經

異

同攷畧金石萃編補畧皆具有稟本辛酉之劫半為

灰

燼子同光緒丁丑成進士始刊金石萃編補畧以傳

題梅花雪屋圖

昨宵夢踏孤山雪千樹萬樹梅花白蓬萊仙人招我詩飛身

直入巢居室嚼雪吟梅字字香香沁入脾冰濯魄醒來前頗

餘清芬陡展君圖驚咄咄分明畫境即夢境圖中風景皆親

歷君家居近洪崖山誅茅編作詩人宅傍宅梅花千萬株雪

夜論詩花四壁我不能詩但愛梅夢魂時繞西陵驛君今躡
躡亦天涯相逢同作梁園客談到家山應黯然辜負梅花凍
封雪君圖亦作夢游看夢固非真圖亦失是圖是夢兩不分
世事何曾容著迹不如拉君同作西湖游斷橋殘雪孤山梅
君哦詩我含杯君詩不成我以斗酒催洪崖笑拍林逋回貌
姑仙人促膝陪梅花雪花捲作瓊瑤堆

李貽德

字天彝號杏村又號次白嘉興人嘉慶戊寅舉人著攬青閣詩鈔二卷

劉恭冕序畧次白先生遠于經史尤善小學孫淵如觀
祭廟賞之觀察晚年善病所著書多先生為助與朱久
香宮詹訂莫逆交歿於京邸宮詹歸其喪又取所著書
並古今體詩選錄將付梨聚於是先生所著左傳賈服
注義始見於時其書援引甚博字比句極於義有未安
者亦加駁難雖使冲遠復生終未敢專樹征南之幟而
盡棄舊義也至周禮廣義詩考異詩經名物考十七史考異今俱無存

述哀

先母三十年苦節之貞小子伏處衡茅未能乞銘傳
於大人先生之門非詩以告哀懼其就湮作述哀

侍姑饌

侍姑饌夜漏深沈幾銀箭寒風襲我裾夏蟲齧我膚肅然侍
側不移趾寂聽簷角催嘯鳥進李去核進魚去乙先承慈旨
百無失紅燭三換歸深閨有時明月斜向西

十齡叔

十齡叔舅姑珍惜如拱玉支離病骨臥牀褥翁命承姑勞撫
之等兒曹絮問所欲供所需痛則爲搔顙爲扶不索他人惟
嫂呼我叔今年四十九終身敬嫂同敬母

籲上帝

吁嗟我父病我母爲請命是時月黑雲慘愁鬼車展翼垂簷

頭長跪告天帝願以此身替聲淚俱下累萬辭叩頭流血天
莫知吁嗟我父病不起我母荼蓼自此始

絕粒恨

淚盡繼以血血盡嘯聲結絕粒三日人不知命懸如絲心冰
雪翁言我已年七旬那堪爲我添酸辛少緩須臾死當爲爾
夫立嗣子悲哉翁無兒我當身代之幸哉夫有子賴我爲維
持自顧一身泰山重婢進甌粥手乃捧

育雛鳥

得兒比得寶兒慣牽衣索梨棗育兒同育蠶問飢問寒時再
三五歲別俞唯六歲教拜跪長老見之曰李氏有兒出入無
愆儀

事衰翁

事翁如事姑翁失子兮無吁嗟作婦如作女翁無女兮不酸
楚食則視饕寒覆衾宛轉熨貼翁之心猶記翁終執孫手但
祝爾婦如爾母

擇師傅

兒毀齒敎識字兒十齡當授經吾族觥觥推英姿令範誠堪
爲兒師有問師晰疑有過師鞭笞不願置身通顯光門楣但
願操文潔行與師無參差

飼梁肉

兒飼梁肉母飯脫粟甯令母瘦兒顏肥兒善讀書我心足兒
有小青惟譙訶兒有大過當奈何撻兒流血背兒立手執荆
楚掩袂泣

夜燈課

紡燈一點挂虛壁兒夜誦書母夜績女不事繒布日月竟空
度男不熟書詩此身將何爲買布僅足供朝米鬻珠爲爾買
河鯉

客何來

客何來迎客重徘徊與客論詩文忽陳雞黍留嘉賓與客語
游戲退見母氏必流涕堂上縱談屏後聽咸憚母範嚴且明
雍雍厥聲孤子之庭

約婚引

爲子擇婚擇婚須清門但使我家得名媛投聘那計變珠釧
新婦入門來喜中含餘哀新婦工詩不工繡瑣窗口講更手
授昔年繡譜當風揚令我見之心徬徨上繪女貞木下繪傲
霜菊

訪陽明先生故里

聞道天皇信健兒，御驄慣向酒家馳。中興不仗文成策，

黃南雷曰

武廟時主嬉於內，藩變於外，大勢殆矣。新建神機，弭逆當爲中興功臣。武廟重看靖難師理學，

幾人能有用？世宗稱公爲世儒，何苦詆良知，竭來故里披餘

韻也。算春風坐罷時。

虞廷采

字靖庵，號小林，慈谿人。嘉慶戊寅舉人。

尹元煒曰：小林詩清真，古健近體風華掩映，一往情深，尤饒神韻。

題梅妃圖

開元天子風流主，傾城妙選良家女。一曲霓裳乍管絃，五家珠翠皆塵土。江家采蘋初入宮，僊僊萼綠嬌春風。梅妃兩字芳名換玉骨，冰魂量較同笛聲。吹放花無數，專寵能教人不妒。誰道驚鴻舞未休，東樓已續長門賦。凝碧池頭開新讌，牡

丹嬌倚沈香豔梅花不解鬪娉婷故枝零落梅亭怨吳中畫
本無限情墨痕細染冰雪清珍珠一斛何須唱買得胭脂格
韻輕幽姿宛轉羅浮識修到花身甯易得回首香塵暗馬鬼
一枝春雨梨花泣

何

綺

字高齋西安人
嘉慶戊寅舉人

西安懷舊錄高齋爲人淵微樸茂不爲苟容
時有才高德高名亦高之語書法并重一時

閒居

小庭客散自焚香坐笑人閒車馬忙日影半簾花半榻遣閒
初寫十三行

張振夔

字慶安號磬庵永嘉人嘉慶戊寅
舉人官鎮海教諭著介軒詩鈔

縣志振夔幼慧喜讀書志操特異居京師所親某謁選
在都有相識要人趨一見振夔不可獨與青田端木國
瑚瑞安鮑作雨以經術相質正任鎮海教諭時值英吉
利犯定海振夔常以籌海諸要語鎮海千總葉舞輝又

兩浙輶軒續錄

卷二十九

何綺

張振夔

六

五文

私爲海上戰守策會江蘇巡撫裕謙統兵至或持策稿以獻謙異之旋移疾歸里所居瀕海多潮患振夔謀於場使陳泰華督民築軟塘縣互二十里復於內河要衝建牖以時啟閉民賴之其他議團練議鹽筴議水利義倉皆平實切利害可見之施行其學務實用類如此

洪坤跋畧先生與青田太鶴先生皆先君子石交先生詩固足與太鶴相伯仲而朴茂醇正尤自肖其爲人

前種山謠

后稷藝五穀則壤遺方嶽耕九可餘三羣生賴以育番諸自何來百顆可充斛形巨勝菁菰味甘等芋菽秋陽暴爲絲療饑洵果腹奈何耕鑿者梯巖窮幽谷亦旣芟荆榛旋復斫松竹根藤絡山石沙土相繫屬始如毛髮鬣繼且膚肉剝雷雨動滿盈奔石填溪瀆遂令五都河大半化爲陸禾田失灌溉九歉乃一熟嘉種雖云增歲計翻不足我聞眉犁公豫戒南田族後有橫陽人來佃亟驅逐吁嗟帝者師卓爾抱先覺方

當垂訓時此物尙隱伏近出未百年蔓延徧荒服但知受益
宏誰復立約束平原可播琴功自助饌粥開闢及岡陵流衍
極荼毒有川嘆其乾有山童然禿入夏渴和稷謀炊缺薪木
矧彼寄生者負隅弄刀槩利病儻相權逼處明可燭作此種
山謠願入輶軒錄

題某友雁山紀遊後

坤靈閟神壤晚出得奇曠神龍刷泥沙石骨自殊狀東西谷
縈迴晴雨瀑搖蕩思議俱窮時雕鐫出功匠兩戒劃乾坤一
甌括寶藏曾證花鳥禪未容山賊訪百有二奇峯健筆問誰
抗欲述已忘言歸雁落江上

西湖詒經精舍

傳述藉今儒文思出古帝鬻序飾太平風規昭有位漢以經

生重專門嚴紹繼宋創道學傳燦列若星緯豈無撫空談性
天惟默契朱子特精醇章句森起例讀書課諸躬斯爲統緒
繫宏博若許鄭令我識制字因文測奇蘊說禮得古意汲汲
抱殘缺亦足窺洙泗鳴騶來西湖精舍肇祀事願告綴學徒
小大且兼肄勿區漢與宋博約在持志

偶感

獨醒云不可勸我姑啜醺啜醺未遽醉自顧心愈悲昔有陳
子昂感遇寫以詩財爲令尹瞰身被伍伯羈安得如萇楚猗
儺一無知

金岱峯學博寄示尊經閣崇祀議詩以代柬

一飲先祭酒瓜祭必齋如日用尙報本矧讀古聖書書契肇
一畫形象逮蟲魚音義遞轉註詁訓非課虛苟無作者聖奚

以發蒙愚蒼穹爲雨粟末學乃忘初說文仍二篆小大留權
輿漢代重經師紹述功難誣方乘暴秦後掇拾灰燼餘在胸
必成誦疑義痛爬梳當思抱守難毋云實事羸兩廡罷從祀
一東宜貢芻溫溫金夫子稽古勤居諸臨水布文教來甌重
敬敷修辭芟枝葉敦本立楷模云茲經閣上尊經若是乎經
帙渺何在四簷敞櫺疏疇爲字之祖疇若經之廚萬古延墜
緒依憑得菑畬科名譬秋穫努力在芸鋤既丐司錄靈端賴
經神扶春秋奠蘋藻有舉奚不俱肇禋願勿替展轉籌歲需
垂詢及下走瑤篇賁蓬廬嗟余少弄翰閒亦鐘鼎摹解讀希
淵明有會聊自娛尊聞行所知不畫漢宋途緬想專門學尋
繹洵起予坐受周行示肅然振襟裾許希師扁鵲西拜展區
區賈島止詩章酒脯陳歲除問今所披覽於何始運儲得非

創造艱厯厯藉補苴積習迷所自曰禮其舍且一朝釐祀典
翻笑迂儒迂我我萬仞牆赫赫儼宸居典禮求美備與祀皆
令譽造士嚴去取吾儕知尊朱欲拔九牛毛發言將嚇嚙東
嘉賓興錢頭陀曾割腴歲提一鉤金足供豆鑊壺請與齋長
謀諒不相齟齬不懷豺獺祭其情能自攄名教出庠序何者
爲通儒仰荷先民覺曾識報字無識字談何易雲煙瞥眼徂
終身行一言尙莫息勤劬毋矜爾咕嗶而墮爾步趨夫子興
本教報祀聊舉隅粲粲我英畏勛哉敦永圖

放歌行贈湯雨生都督

貽汾

秋水溢河河伯喜海若掉頭先露齒當前未遇大方家那識
人間有羞恥我行古羅山高下樹桐梓桐梓須滋培天遣丈
人渡江來灌以三清沆瀣之碧露壅以九陽洪鑪之丹灰中

閒沐日浴月三萬六千日乃能長養千尺成美材成美材伐
琴瑟琴聲悵悵瑟聲壹起爲丈人歌車笠覆手雨兮翻手雲
有幾當心出紅日大梁耳餘刎頸交相憐雖捷相倍疾丈人
曰否君未思不交何以得眞知眞知正在初交時子產但識
醜明面范叔曾受須賈欺吾今獨翻絕交論淡毋若水甘毋
飴裹飯褰裳隨所宜拔十得五心宰之豈無惻惻款款千里
神交契亦有唯唯諾諾一室情自違坐竈北兮隱几避牆東
兮曳屣蕭然地隱名可充款啟寡聞何乃鄙丈人方一言賤
子已三歎律已不辭玉尺寒被人當如雲量寬廷尉署門語
太激荀李對案交彌歡相逢豈皆輕薄子畢竟誰似丈人個
儻披心肝君不見丈人足迹半天下老去虛懷函九夏愧我
措大眼光低咫聞驕人何者可坐我玳瑁牀示我琳琅篇云

是知交此第一結廬南山聽松泉南山詩才公匹敵樂府一聲破鐵笛登樓儻逢踏月來乘酣不惜珊瑚擊吁嗟乎知己由來不易逢何況新交契素衷論詩詩無涯論交交有終丈人畫梅梅似鐵南山聽松松成龍我欲化身萬竿竹迎風折節常拜梅與松

青田行

天子皇皇求冢宰今無房杜奚簡在鼎職何曾臣自謀乾符已定君心改魚水契合未足恃一功由來生一疑先生自署郁離子歸隱石門未爲遲可歎盲人喜嘲諷不識老臣有隱痛王氣曾前十載知毒謀詎爲姦人中君不見醉學士百歲之衣未上身倉皇已就夔州死又不見大將軍坐啖大鸞病不起蓬跣哭奠何其文得死幸耳尙何云

題旣耕還讀圖

混沌鑿破光音天羣真下爲遊戲仙不耕不讀一萬八千年
二氣相盪精相感穢迹漸多性漸偏樹缺甘果力難搏食合
養羞謀節宣結繩甫罷鬼夜哭代耕有祿人不田卉皮蔽冕
並立生媼妍是時皋夔尙無書可讀禹稷祇期稼不愆二禪
三繼姬周作無逸穡事猶如先直從四民析井邑清濁譬若
雲泥然青衿佻達盈城闕但驅椎魯供粥飴七雄戰爭遊說
起數米未飽剝腥羶秦王快意焚書籍陳涉奮起弄戈鋌紛
紛逐鹿頻失足疇復夢魚容安眠皇穹傾否旋乾坤古經默
憑遺老傳頽壁壞冢勤掇拾灌鉏時亦帶韋編靜涵妙旨逢
新慧雒誦高低聲度阡辟舉不行科目興累工塗抹登選筵
坐糜廩祿筋骨脆驅牛那堪遣執鞭齊梁眾作等蟬噪伊洛

餘波入狐禪試問生生眞實義第一幽風七月篇千秋淵明
識此意書不甚解琴無絃好風東來灑微雨眼底良苗籠曉
煙羲皇治象神與遇此外塵擾腐嚇吁可憐回頭乍見玉坡
子持圖索句姑舍旃且上禾隴同拍肩請看百二奇峯咫尺
相鉤連願從觀穫後共登雁湖巔一豁心胸納八埏方春當
更秉耒出旣耕還讀老益堅靈臺湛如太古前

哭端木鶴田先生

四百餘年後青田第二人應憐生不易翻恨死無因道豈元
文重身緣立節貧空遺周易指從此度迷津

一水通甌括京華識面遲當公鳴鹿日是我弄麀時著述流
傳遠文章得第奇不堪賢相國

先生鄉會試皆出阮相國門

爲爾涕漣漣

和戴鼂峯

咸陽

學博安固二忠詩二忠乃張家珍孫詒

穀兩茂才也

一將勇何在徒聞二士忠生無五斗粟死是萬夫雄狼睥明堂志瓜州義首功傾身甘野戰不忍坐綏戎

吾宗湖海客殺賊始知名甌括相聯處溪山扼要爭前驅曾屢捷有婦亦能兵

張君陣沒其夫人親爲縞素復仇

畢竟

君恩重一衿敢自輕

孫郎年最少踴躍獨擎旗一戰重圍解三城出險奇

賊圍瑞城官軍

孫縮賊在城外脅從幾逼及永場境是日孫君獨舉旗前進鄉民反正殺賊會舟師並至逆首潛遁瑞圍頓解而海安小梅二城亦同時解嚴真出意外也如何籌廩食不得等偏裨倉卒逢新寇奚

堪火伴飢

葉樹勳

字策亭蕭山人嘉慶戊寅順天舉人官錢塘教諭

綠雲仙館銷夏詞

仙館閒來萬景清
窗前窗後綠雲生
招涼不事輕羅扇
風到芭蕉葉有聲

如年夏日漏遲遲
檢罷圖書又賦詩
卻卷珠簾趺足坐
花香鳥語夕陽時

竹裏涼輝沁玉蜍
更深步月故徐徐
城東清淺若溪水
萬柄荷花尺半魚

孫承福字雨生錢塘人嘉慶戊寅副貢官常山教諭

杭郡詩三輯雨生年甫弱冠卽著文名與兄雲楣承祖有二難之目

讀楊誠齋集

詩人有意作是詩
卽佳亦遜天然姿
須知有意無意處
信手拈來偶得之
昔愛淵明叟性靈
自抒寫匹如空中
雲舒卷無心者
後來作手費追摹
摹之愈真神益寡
近愛誠齋翁脫口

破天械匹若枝上花照耀非雕繪眼前卽景口頭語被人別
作西江派我謂先生自有真全於無意著精神興之所到偶
然耳高致正復同淵明矜奇逞怪亦可喜陶後韓蘇有幾人

趙

銖

字獻雲錢塘諸生

丁申曰獻雲文筆華腴性情簡傲布衣草履儵然自遠
畫無師承信手自工花鳥草蟲栩栩欲活書學褚河南
古妍中自具生趣

題自畫四絕

落盡桃花流水香柳陰雛鴨戲滄浪老夫聊借簪書筆點滿
雲箋丹閒黃

睡餘清夢渺難尋雨過方塘八尺深偷得放翁詩裏景紅蜻
蜓點綠荷心

半老秋娘入道裝一歌中婦織流黃韃轡不轉銀牀冷空咽

深宵絡緯娘

珠茶紅映蠟梅開
曝背南檐暖似煨
凍硯冰融鸚眼活
蜜官

一隊獵花來

蔡大榘

字琴叔
錢塘人

謝文節遺琴吳素江明經徵詩招集松風草堂出觀敬

賦長古

君不見金龜印信銅龍輦
漆炬蒿燈燭秋眼
又不見戈船拐馬膽
巴碑冰飛雹解箕風摧
女兒花槁冬青死
三尺殘桐竄柴市
哀譜黃冠曲未終
血淚彈上絃絃紅
六更打盡團圞鼓
埋骨難尋乾淨土
茶坂麻衣哭至尊
哭聲於今稍稍聞
提刑提刑呼不起
鬼母鳴號泣天水
奇物躍土爆光怪
餓吏高名五百載
屈指南朝話
閔忠得公之琴如見公
吁嗟乎松風堂

松風室吳君本是知音客欲叩長飢擲藥心我請攜琴上唐石

裘肇鼎

字定年錢塘諸生著裕思堂詩

懷舊集雲門好酒如劉伶善哭如唐衢與吾鄉沈號齋進士王芝軒明經善酒酣耳熱三人相對鳴咽不能成聲時或杜門哭竟日人以爲狂王卷密贈詩云醉後小天地狂來哭古今晚節以窮死詩工近體沈雄俊邁無與偶者沈文慈別裁集主決擇者素與雲門不協故未登其詩

詠淮張遺事

相臣親自啟戎行指日妖氛靖楚疆豈謂在庖仍出柙翻然烏合復鷗張朱弓漫作眞王想青蓋徒聞劇盜狂從此蔓延憂不細縱橫鐵騎下淮陽

吳越提封控制遙擬開黃屋作南朝霸圖每自思孫策王命何能悟隗囂猴戲棘端空恃巧鼃居井底易生驕當年高陽

藏金日已有西風榮葉謠

北降豈必畏天威飢卽依人飽便飛奉表空聞歸版籍領藩
仍許建旌旗軍中虎節尊方伯坐上龍衣出禁闈何待異時
憂跋扈撫綏已識廟謨非

楚公死後棟梁摧市僧終非霸主才荒燕坐看秦鹿走誅求
肯念魯鳩哀三年傲弟持鈞軸六部良家付劫灰腸斷齊雲
芳草外宮人血化野棠開

王文誥

字純生號見大仁和人著

至精博集百家之大成更可訂宋史之外陋生平侃強
爲尋丈大綱類凡微有奇氣
緝雅堂詩話韻山集多游嶺南作如題白雲碧虛觀羅
浮華首臺諸詩故山風景神與之接春陰薄寒幰外挑
花吹備苔際采詩甫
罷不勝鄉關之思

灝泉寺

石骨攫土土花碧溜天飛濤瀉百尺五泄鞦韆超壑底雷谷應
山鳴崩巖石芒屨滑印苔蘚斑冰花著衣珠跳額輕身飛越
萬湫龍直從泉頂探泉脈泉頂大陂列環堵一半頽雲壓山
脊中通卷路里餘平兩旁待建百人宅水歸于此百竅并泓
流破肋走驢砦放下玉簾不上鉤怪石守之紛列戟人傳簾
內竹林通悟入空門徑可迹瞿曇選佛兼愛身未肯形骸等
閒擲瀑泉之上作道場傍水倚巖砌規格無端泉寺兩茫茫
興廢亂麻難考核青山白盡老僧頭簾下無人試雙屐空將
演說導因緣一夢精誠動魂魄鏡公拾鐵佛頂自云先感夢兆我生蚤以筏
喻參捨法何心究梵冊石頭高枕看泉飛松風謾謾吹茵席

洋舶

獨檣千頭料河船其尤廣者千婆蘭憑青石腦錮鐵力憊勞
瘦削磷磷攢蛇膏淬釘制鹹水直犯磁石衝危灘巨桅破空

十五丈望斗屋大周闌千梯繩結構達巔頂實鬼五十惟斗

寬舵工厯師傀儡戲

以木爲人或升降梯繩開

風槍銅銃弩矢蘭舶

之戒備密基布司命獨視羅經盤白黑鬼千藏舶腹吉貝結

體帛束髓鬼頭萬鎰貴馬劍珍奇瓊麗名多端自來有火應

手發炊以縣釜同風餐與牀白氎錦綉臥羶羊挂角鬼乃安

崑崙之西島夷集效順不憚關山難會噶囉吧走嶺海帆張

四面翻洪瀾海疊潮落見雙虎謹呼徧繞黃木灣達奚舉手

尙遙矚鬼奴到此何時還十三行若頗黎廠董成諸欲期大

班淹留鏡澳久蕃庶日習詭異知神姦鬼工善矣未足恃聽

之那不摧心顏

勺芳園

花木平泉記春醪換旅顏臥遊新歲月手澤舊溪山家世雲
霄上才名伯仲閒頻煩懸榻待酩酊不須還

白雲寺爲唐智常禪師道場

白雲何所有得我致雲心心無雲亦無小鳥鳴高林延緣白
雲寺山谷通幽深了無智者蹤而有風泉吟披襟坐茂樹草
色紛來侵綠天沁肌膚紅日光沈沈遐思自怡悅名山快招
尋漫爲白雲謠白雲變古今

莫仲節祠

藉甚名俱在誰堪名不平煙花非故國開建有宣卿邱瓊駐
馬荒祠道迎風老樹聲錦旋歸太暮還似夜中行

下德慶峽

雲日幻陰晴風來著體輕
櫓聲波底滑鳥語峽中清
曲曲開霜鏡重重抱石城
迴環九十里差勝剡谿行

望白水山有懷坡公

玉並峯寒入舊題

白水北連象頭

羣山如水赴谿谿欲隨靈象尋芝

尤中有飛鴻蹋雪泥掛角曾曾雲朵竊浮嵐
淦淦竹光齊懷人異代空搔首古道斜陽一杖藜

楊元孝宅

翹首楊公宅村深樹合圍
似聞松子落不見雪花飛
河畔生青草風邊款白扉
張瓊能穎悟蔓種未應稀

黎二樵爲余畫碧鑑海圖題如原韻

樵夫斫竹便垂釣鑑海青藍接鑑湖
一曲借來鄉夢隔遠山添得一痕無

夜發惠州二首

夜色照篷背推篷何所思沙平山覺遠
篷緩水來遲
別別金雞渡沈沈碧水關落霞虛故榭明月在前灣

白鶴峯訪東坡故居

山堂突兀瞰江開詩侶同尋亦快哉
彼美不妨明道見香隆述舊

游此行專爲長公來青蠅幸附祠猶在旁有白鶴高竊觀已
摧輸與殘僧慵飽睡等閒不省濟時才

金

濤字作山號松門隱弟仁和人著東湖古蹟詩

郭太學山舟

并序

太學名紹孔字伯翼隱居臨平山北得元人貫雲石
海涯山舟字築亭冰谷泉上箸有墨巢詩鈔毛馳黃
採入詩辯坻中李不夜元暉爲作傳

太學古隱流依山屋如舫喜得貫酸齋八分書跌宕作榜懸
其中游涉發高唱冰泉跳珠玉江海近在望天風颯松濤晴
翠霏竹浪卻勝張思曼牽船住岸上

沈處士南樓

東江先生名謙字去矜游洋將軍少子與張祖望毛
稚黃稱南樓三子坐臥南樓中二十年箸書自娛

廿載此高臥閒吟時倚樓盛名齊二子勝事定千秋西挹山
光入東連海氣浮才人還有後邁過並風流子聖昭聖時皆以詩詞書畫稱

曹宗載

字桐石海甯歲貢

府志道光元年有司欲舉孝廉方正宗載堅辭不就硤石以詩名者以宗載與潘廷章吳嗣廣爲最
海昌備志宗載蚤歲喪父事母盡孝母沒時年已六十哀毀如童時服除猶有戚容俗患阻葬暴露者眾與里人舉葬會以資無力者王德浩修硤川志佐之采輯及德浩沒集資校刊吳應和謂人皆知桐石爲詩人夷攷

其行則孝子也醇儒也

朱文治序畧桐石學道而斂其才者也與余交十餘年其性真其量大其貌奇而古己卯秋早甚舟楫不通爲闔州水利計於烈日中徒行百里或數十里竟自忘其衰老汗濡於體無倦容惟望事之有利於世故其所作多有闕世道人心之什

妾

入門

吳丈免牀置一婢詢之爲良家子遂撫爲義女

塘邵徵君志純賦妾入門以紀其事余亦爲賦此篇

妾入門悸心魂向隅無言淚暗吞妾入門銜主恩烈冬翻作

陽春溫芳蘭蕭艾殊非伍妾賤那得比公女胡緣伴坐畫樓

中飛絮同吟繡同譜武原之水清且漣弱翁之子才翩翩結

藕遣嫁情纏絲子歸怡值桃夭妍今古英賢幾蒙垢誰肯憐

才一援手天蓋高地蓋厚罔極恩深父與母龕門水汪洋淇

波深澤甯可量秦駐山嵯峨高風峻德終難磨噫嘻山可鑿

水可涸此恩此誼千古卓

貞烈詞

貞烈爲陳太常隅陽後裔定衡幼女字花溪朱生品章未嫁而品章歿女聞訃投井者再以救

免屏居小樓偶折庭中柏枝插瓶柏忽生根盤結蔥菁可愛十年相對一夕遽萎女卽整衣仰藥死朱氏感其貞烈迎柩與品章合葬焉賦此紀之

庚同辛丑行同九

朱生亦行九與姑俱辛丑生

朱陳恰合成嘉耦驚方待

年鳳忽殂慟絕重甦誓不負智井再投救再免貞心不作轉

轆轉死旣不得歸未能繡佛長齋淚空泣南山有柏何青青

凌寒勁節無凋零折供銀瓶聊寄託冰心皎映通精靈十年

守貞柏同矢一夕仰藥柏同死柏死佳話留繡幃女死芳名

輝彤史龍山之岡繚而深花溪之水清且泚精魂定化禽比

翼墓柏應生枝連埋

許

增

字黃坪海甯人
箸黃坪詩鈔

許淮祥曰吾宗黃坪先生刻意爲詩與謝瘦仙李王叔
兩先生倡和無虛日無子沒後遺藁散佚郭君村民家
藏有一冊僅百餘首非全璧也

春陰曲

霧閣雲廊風悄悄滿地落花閒不埽瑣窗寂靜慵未開日午
猶嫌捲簾早露桃紅瘦隔牆枝花叢蜨夢醒亦遲閒階竚立
待歸燕春寒半臂無人知苔衣繡滿尋香徑落絮游絲吹不
定憑闌乍喜岑寂消宛轉流鶯隔煙聽

重九前四日審山登高次倪吟泉韻

攜屐東峯上遐哉物外心疏鐘出林晚幽澗帶煙深我欲乘
明月山巔抱綠琴素心二三子彈罷一長吟

秋日卽事

忽釀秋林幾日陰西風涼得袷衣輕閒雲弄態有晴意落葉

賺人作雨聲
貧喜客來賒酒共
嬾無僧約看山
行孤吟何物
伴岑寂
繞砌寒蟲時一鳴

許懋堇

字樸隱海甯人
著星滄吟藁

吳衡照曰樸隱詩平近和易有自得之趣易簣時以自
定藁若干卷付余曰無他戀戀數卷詩賴君以傳也樸
隱工鑒別於磁
玉雕漆尤精

夜泊花谿

欸聽漁舟笛
船頭四望餘山光
連古寺野色隱田家
朗月人
千里閒情水一涯
哦詩成久立寂靜對谿沙

吳之瑛

字玉山
海甯人

尖山登高

雙峯屹屹臨海中
攀躋直上如御風
朝暎射天鴉陣沒夕陽
在山楓葉紅
儕輩狂歌發
長嘯茱萸滿頭盡
年少松聲未歇

濤聲來乘興欲將巨鰲釣

王

徵

字聘九號七峯嘉興諸生著秦峯吟集

孫澈曰君志鮮風塵之慕行有井渫之潔壯游江右爲謝金圖方伯所契重晚抱伯道之憾身後遺書散盡門人沈愛蓮收拾叢殘存詩數帙

感懷

闔戶正孤坐西風葉亂飛苔深人鮮到廚冷犬忘歸老病妨開卷秋涼怕典衣稻梁肥處處我力硯田微

胡永成

字鶴餘春嘉興人著鶴餘草堂集

孫澈曰爲春結隱水村吟嘯自得黍稷塗和備極孝養

秋夜懷金彙征

秋林吐新月眾星燦銀漢懷舊遲遐矚涼颼動清扇密林歛餘翠長波曳空練鳴蜩樹蕭疎飛螢戶歷亂旣傷遲暮心復

此流光換徘徊理瑤瑟美人隔幽慢征鴻去何之臨風寄遠
翰處獨結煩憂履困昧前算努力愛景光無貽皓首歎

張仁麀

字瘦山桐鄉諸生箸爾爾詩草

家傳畧瘦山幼即工詩長益肆力于古故其所作渾雄豪放有漢魏人氣象

送陳大

觀圻

之皖江

秋風無日夜送子渺關河此去皖江口應逢旅雁多鄉心懸
短夢壯志託悲歌得計歸須早倚閭雙鬢皤

汪

濬

字深甫號潛賴桐鄉諸生箸不繫舟集

桐溪詩述君績學能詩晚年境益貧困詩酒之外萬事廓如

題顧棗厓河干送別圖

聽罷陽關曲春風不可留離懷新鶴鬢行色故羊裘日落夷
門夕雲飛艮岳秋登臨吟句健文彩被中州

徐正梧

字桐音號雨樓長興廩生著各寮山房遺藁

縣志正梧家豐于財城西梅花莊有別墅曰各寮山房時出名酒精饌讌集知名士縣令邢樹樂與之遊

舟中望道場山

茗溪理權入青蘋細雨篷窗望不真更向碧湖深處泊好山

應愛愛山人

鍾

浩

字養斯號小吾長興諸生官湖南桑植知縣

縣志浩自號玲龍山樵能詩善畫尤以書名家筆法宗顏魯公而參以米襄陽尺縑寸素人皆珍藏之墨香居畫識浩早年在浣江馮中丞鈐幕中郎以詩畫與同人唱酬繼出

四庫館議敘得阜陽縣丞年老乞歸日

以翰墨自娛書工篆隸亦長鐵筆

題畫

凍鶴警曉寒瓊英封澗戶蹊徑忽閒之流泉咽不吐隔嶺朝
烟開霽景雞鳴樹何許探梅人拄杖蹋瑤圃

趙冲九

字一飛號鶴田鄞諸生

縣志冲九幼失怙事母至孝甫就傅日誦千言家貧服賈嘗暴東於場攜書往監之執卷讀人竊棗不知也辭歸復力學與范燁陸行乾以道義相切磨詩學少陵文學廬陵晚歲尤邃於易占驗多奇中然不輕以示人凡言易之書靡不周覽擇其精者手抄盈帙惜未成書而卒

湖畔納涼

彌月不稱意此心如雲障今夕一來遊襟懷頓超曠湖淨浩無際清絕杳難狀月華波底流汨汨魚吹浪涼風度曲岸欸乃出漁唱同志兩三人坐石閒眺望長歌發沈鬱談笑劇舒暢歸臥猶神游萬象到枕上

訪費曉村不遇

孤懷誰與語悶坐氣不爽故人在咫尺乘閒且獨往舉趾尙躑躅中情已搖蕩但嫌路屈曲有如適莽蒼袖中領數詩欲

與其鑒賞到門人已遠悵然倚書幌天高日慘淡風急水瀆
泥早知白雲深空山徒瞻仰

葛培元

字子元號琴山慈谿廩貢官永嘉訓導

小園

小園寬半畝清絕稱山衙徑曲迷新竹籬疏冒落花更無人
迹到時有鳥聲譁自汲溪頭水閒烹穀雨茶

自入深山裏於今已二年渾忘歸計緩豈有宦情牽漱石眞
成隱餐霞不羨仙有懷陶靖節高臥北窗前

陳景沛

字雨亭號巾山鎮海諸生箸蛟川備志蛟川文獻集四明紀異候瀟山志

董沛曰雨亭父元模姊婿楊覺賢幕遊廉州先後歿家貧拮据措資令弟景濤赴粵迎柩弟又客死雨亭以母老不敢行既失恃間關萬里輾轉尋覓始得其葬所亟負三骨以歸咸豐初以孝子

旌鄉

里諸名家並賦詩紀其事

題唐企園小照

人生百年皆過客眼前指數誰滿百祇有林下愛閒適日月
緩駐流光擲企園先生好風格陸地行仙稱夙昔學成不設
馬融席名澹厭射劉蕢策隱居城市如泉石杖履逍遙樂晨
夕今春示我寫真冊使我披圖增歎息憶自七閩息遊屐歷
盡危峯去天尺建溪灘惡列劒戟穿鍼走馬飛魂魄客歲迹
近安南僻蜚雨蠻風冒巾幘賸得殘生歸里陌五十年華駒
過隙何似先生真高迹科頭兀坐梧影碧好書一架圖四壁
涼風習習生兩腋吾鄉不少詩文伯閒散於君推巨擘還聞
養菊如彭澤暇日來款陶家宅

黃廷

議字秉高一字澹軒鎮海人箸月樓吟草

陳毓璽序畧澹軒居家庭以孝友箸居鄉黨以
推解傳偶焉吟詠罔不從性情中自在流出

黃式三曰嘉慶乙亥鎮海行振有死于踐踏者君創立
條例著有成效郭令贈惠周桑梓額後屢宗其法及庚
辰饑民或與司事爲難聞於官欲寘之法君曰愚民何
知困於歲復困於法耶誠勿校後數日其魁焚香謝罪
君慰遣之
自是肅然

旅夜聽雨

夜雨何曾斷客腸斷腸人聽自淒涼聲寒一枕牽愁集暈暗
孤燈惹恨長夢入家山迷水木理殘琴曲變宮商秋懷縷縷
添多少不爲思鄉也感傷

初秋有感

園林蕭颯散清幽爽氣頻來暑氣收梧葉驚殘高枕夢荷花
零落一池秋階前草色經時變江上潮聲向晚愁最是年年
當此際斜風細雨滿江樓

黃廷誥

字拙齋鎮海人
著悟閒吟草

遊候濤山

極目望江山茫茫知何處雲影海天空清曠得神悟遊覽倦
忘歸欲去身猶住樵子束薪回始覺天將暮緩步下層巒蒼
翠迷來路更坐片時還看月上松樹

王立誠

初名繼良字元圃號淡園象山
增生議敘訓導著淡園詩藁

姚燮序畧余耳王君名未嘗相識今與令子幼香擷香
交得讀君遺詩不必緹鑿幽險門戶傲人流覽所寄歌
歎出之自有一
種冲淡之趣
童槐傳畧余作象山王氏節母傳今復爲王君傳君何
孺人孫歐孺人子性寬厚與人交必誠尤能諍其不善
王氏固多善舉君奉兩孺人訓踵行弗怠歐孺人疾久
弗痊服勤尤至需養者罔弗躬親悴甚觀疾卒鄉里賢
之

上謝古杉行

疎桐高百尺大椿歲八千我聞上謝村青杉不紀年問渠何

能爾厥壽乃獨全中有故家子爲余言末顛愛養在夙昔生
機順乎天勿爭春華盛詎其秋草捐其材任梁棟自視樗櫟
然其心比松柏至老貞益堅豈無桑與梓風霜撓於前輪囷
鬱古幹吐納空雲煙家衰樹無色家盛葉重妍亭亭卓岫岫
蘿薦相糾纏久居傍山麓侍此良弗遷斯言豈浪發世澤非
苟延樹人與樹木道本相繫連令予媿拳曲撫躬繩素愆
蕪春已萎芙蓉晚復鶯安知鐵石心太古無雕鐫

插秧吟

春雲出峽何夷猶春雨連塍水亂流春林布穀鳴鴉鳩門前
簇簇秧方抽牧童聯臂驅健牛秧馬接項移道周拔鍼盈握
承以簞罍斜鄧正隨弦句銀盤珠落獅拋毬左縈右拂無停
留老農挈隊驅前矛琉璃傾仄翻泡漚兩旁人眾歸一疇一

闕苑如魯與鄒手捫足踏不自休其胥躑躅躬偃僂背水疑
用淮陰謀進之以泳還復游分金布玉當畎溝翠光搖笠青
豁眸樹陰小憩人漸稠筍羹麥飯提滿甌擎拳曲踞期有秋
願無蝗害田鼠偷一肩明月歸途幽秧歌四接堯民謳

朱兆泉

字澤亭蕭山諸生著時鳴詩草

家傳畧兆泉食貧嘗習申韓之學居心仁恕客來賓縣
幕時典史某獲敬匪休連數千家北泉憫之全活萬餘
人厥後干孫顯貴咸謂積善之報至其學問淹博詩文書畫亦皆可傳

卽事

節近清明更憶家遣懷賴有畫生涯綠陰門巷雙飛燕紅雨
池塘兩部蛙苦竹穿牆橫出筍甘蕉折雨倒開花他年歸隱
柯亭側鴉嘴親攜自種瓜

魏

斌字梅翁上虞歲貢

贈山陰施毅齋先生

卅載方干老隱居
詞壇一幟氣誰如
力追蘇白中年筆
不讀元明以後書
問字客來揚子宅
談經人指鄭公廬
新來箸述知多少
曾見星芒照石渠

洪晉煊

字孟昭號康侯臨海諸生

江行

久雨春將暮
長江勢浩然
寒聲催獨夜
暝色接遙天
泯泯荒村酒
依依舊日氊
何當學垂釣
終老五湖邊

洪乾煊

字用賓號童齋臨海諸生

山行

僕夫欲住客子催
筍輿緩緩穿山來
清香一縷吹不斷
籬落野花無數開

洪益煊 字德裕號霽林
臨海 恩貢

偶題

小研添硃讀楚辭蠟梅香已透橫枝推窗迎得東風入正是

銅瓶注水時

戚祖姚 字冷江太平人候補
知縣著三谷寮詩鈔

雙硯齋筆記冷江秉性孤峭不諧上官遂揮袖棄去北
遊白嶽西陟黃山弔漂母之荒墟宿邯鄲之古驛激昂
慷慨情韻深長

四時田家樂 錄二

杏花春雨課耕回餘事桑麻信手栽薄暮隔鄰呼小飲苔痕

分綠入殘杯

夏苗結穗沐甘霖積水芳田半尺深攤飯綠陰消永晝薰風

送響落蟬琴

陳世環

字次山
太平人

小明因寺

一徑入梅溪溪流蕩晴綠終朝不見人梵聲隱深竹

陳熙晉

原名津字析木號西橋義烏優貢官
湖北宜昌知府祀名宦著征帆集

巴江曲

妾住巴江頭門前繫郎舟迢迢洞庭水早晚下渝州願爲船
尾燕對語長相見願爲檣上鳥啖食常相呼妾愁行路難郎
歌賈客樂甯知鄂渚波猶流巴山月天涯望素書消息定何
如但見東下水不見西上魚山花開桃李淚雪不可止昨上
相思巖學種相思子相思空復情秋霜鏡裏生西風將妾夢
吹下漢陽城

夔州江行

蜀江如綫拍天流無際青山趁客愁日暮扁舟何處泊哀猿
聲裏是夔州

舟出雲陽灣復灣菜畦麥稜界屏顏斜陽一抹橫金碧小李
將軍畫裏山

白鹽赤甲夾滄江滿峽寒風急繫樁今夜客愁天際月隨人
清夢落蓬窗

名士知兵曠世無臥龍遺壘夕陽孤祇今惟有江頭雁猶向
平沙學陣圖

絕憶詩人白帝邊東屯北崦瀼西巔當時大有傷心處落日

雲安聽杜鵑

少陵游蜀凡八年在夔獨三年平生所賦詩凡千四百六篇可考在夔作者三百六十有一治

平中知夔州賈昌言刻十二石於北園

新灘

有葉灘無新灘有新灘無葉灘

葉灘險在夏漲新灘險在冬涸故諺云然新灘奇

險冠三楚到此翻思蜀道難十日北風吹水立白晝半空飛
霹靂南漕何奔騰北漕更逼仄亂石激浪千丈高白勃相持
勁於鐵駛如駿馬注危坡矯如勁鷹辭故柯迅如彊弩發羽
箭歟如破壁騰龍梭千篙萬櫓枉虛設但憑梢柁神轉捩行
舟一墮機穽中帆檣倏忽隨煙滅灘頭日日聞鬼呼峽中猿
鳥皆無色我登崖上親見之此地人情殊可悲行人失船居
人利牒子攬貨無子遺不在公門卽在水轉藉薄險堅居奇
噫水中有龍兮岸上有虎側身天地兮淚下如雨

潘

壘

字石城永嘉歲貢官山西朔州知州著巖霞山房集

上元雨過富春江次南坡韻

怡值三元夜同過兩釣臺泉鳴綠石咽山缺任雲堆細雨帆

初挂峭寒花未開家園念行客此夕定徘徊

董

旂

字仲常號霞樵泰順人

快軒詩則霞樵嘗客西川俞茗琴學使幕蔣彌堂制府
攸銘屬編李石農中丞鑾宜遺集杏根謂其名姓勳公
卿信士林
中翹楚也

黃陵廟

碧杜紅蕤一徑陰荒祠寂歷掩煙潯江波尙漾羅裙色檐馬
空疑玉珮音雲暗蒼梧游迹杳雨荒斑竹淚痕深夜涼莫更
彈瑤瑟一曲冰絲碎客心

晴川閣

魯山高閣與雲浮眼底晴川歷歷收鄂渚風濤連暮雨漢陽
雲物入新秋側身天地惟孤劒落魄江湖且泛舟安得乘風
跨黃鶴橫吹玉笛上層樓

黃鶴樓

片帆送我如黃鶴直上江城百尺樓全楚風光歸老眼平生
游興極扁舟鳳皇山外西風急鸚鵡洲前夕照秋萬里登臨
此孤客亂愁不盡大江流

安慶大觀亭

皖公山外北風橫鬱鬱高亭曙色明楚水遠從巫峽下吳雲
直過太湖平孤舟飄泊三年客勝地登臨萬古情欲問前朝
爭戰事荒蘆無際起秋聲

龍游江上

回首鄉關心事違垂堤怕見柳依依春光漸老催華髮天氣
微暄試袷衣姑蔑城邊鶯亂語定陽江上鰕初肥思量不及
元真子泛宅浮家是處歸

宜春縣懷鄭都官

鄭公今不見空見鄭公鄉官職傳殊代詩名殿晚唐亂山春
草碧細雨鷓鴣翔寂寞滄江上懷人又夕陽

抵東安

地析零陵舊城居眾壑陰楚山南去盡湘水北來深編竹多
猺族方言半粵音定看宓子化端坐奏清琴

重登諸葛臺

更上層臺望憑高目力窮浮雲連嶺北流水下湘東楚塞兼
天遠秋山併樹空袖中有短札何處託飛鴻

楊九畹

字蘭畬號余田慈谿人嘉慶己卯一
甲二名進士官廣東廣南連道

馮本懷曰先生於學無所不窺詩文獨宗大蘇通籍後
先知甘肅慶陽府政尚嚴明而勤恤民隱嘗奉制府瑚
松額公委訊靜甯州一案民惑之欲爲建生祠固卻不
可因請留小像乃以懷少圖予之至粵適海疆多事羽

書絡繹支給供應百務填委日夕驅馳不遑少息竟以積勞卒病中自製聯語猶以捐軀未能報國爲憾聞者傷之

養自然齋詩話先生任慶陽府會靜甯士民與吏役有大獄事經京控上官仍欲袒胥役先生執不可眾忿以伸積弊亦剔後自省晉都士民遮道攀轅乃爲留別詩以慰之

留別靜甯士民

二月春風拂繡鞍滿城士女馬前看長官服色書生面箇裏婆心畫出難

從來爲政切民艱幻迹浮名一例刪曾笑王喬仙去後空留鳬舄在人閒

漫云折獄信持平敢徇私情負爾氓留出本來眞面目不須更寫鐵錚錚

殷勤謝爾送行旌四野丁男半在城望到一犁甘雨透莫因

好事誤春畊

邵正笏

字良庵號魚竹仁和人嘉慶己卯進士官工部給事中著翠筱山房集

楊振鐸曰給諫天性至孝工書苦吟初與里中諸名士結苔岑社更唱疊和極一時之盛通籍後歷掌閤楚文衡及居諫垣累疏切直因案遠謫塞外方幸生還又坐罰金之累奔走魯豫故舊開始得措納未幾病歿其子延楨爲刻遺藁以傳

題葛秋生

慶曾

橫橋吟館圖

不踏橫橋路於今已六年故人攜畫至花木尙依然舊事渾如夢吟朋盡若仙慙余溷朝籍俗狀未能捐

池館東西灑才華大小蘇

謂玉年漢生昆季

借將摩詰筆譜入樺川

圖

圖爲婁東王子若作

一个嗟先弱

謂鄭竹雲

三秋感與俱海天風景壯送

子去游吳

題魏倉伯愛女英姑斷指圖

夫死殉夫死理常不足異必詫爲奇節末俗失其義吾鄉魏
英姑讀書識節字此身已許人此志必無二夫死殉夫死詎
肯稍顧忌當其斷指時皎日照天地遑論婦與女紛紛恣疑
議遑論烈與貞急急求旌賜心安卽理得萬古同一致必詫
爲奇節何以風濁世吁嗟乎臣死忠子死孝女子死夫無殊
調在天爲正氣在人爲名教英姑一死完厥操胡不以賀而
以弔世人欲哭我則笑

朱

瀾 字鏡川號月帆仁和人嘉慶己卯進士官江蘇金壇知縣

杭郡詩續輯月帆天性孝友由清書館翰林改知縣分發江南卒於任

豐樂樓懷古

朱闌碧瓦飛雲棟畫船簫鼓相迎送百尺危樓基尙存湖山
消盡繁華夢六朝駐蹕來餘杭此樓榭自楊和王柳洲亭拱

千峯秀豐豫門新七寶妝亭臺花木皆蔥蒨芳晨月夕頻開
譙詞客酣歌竹葉尊美人嬌映桃花面歲寒松柏環滿庭芳
草長隄恣踏青三秋桂子錢王宅十里荷花問水亭一朝寇
警元兵怒江潮退舍軍飛渡萬帳愁生衣錦營六陵夜泣冬
青樹山外青山樓外樓遺簪墜珥徧荒邱殯垣廢址今何在
歎惜當年趙與憇

孫

銜

字子丹富陽人嘉慶己卯進士

杭郡詩三輯子丹以名進士簽發山右補太谷有政聲
甲午二月奉檄轉餉皋蘭途中所見著西行日記一卷

拉車歎

拉車復拉車輿夫氣不舒掀公于道貨棄地將車驅向縣中
去有役憊然手執牌謂是蘭州餉使來

朝廷驛遞嚴支幾百萬一鞘兩夫動留難將車代夫事可行

如何劫奪行李赴郵程山西壽陽平定州陝西華州華陰縣
兩地相隔路二千不圖奪車暴政不相遠我昔曾權平定事
代庖兩月事暫止我今轉餉皋蘭來奪車載鞘心徘徊一言
願告有司良廠夫工食費誰償治盜不能乃爲盜驛卒度支
充宦囊吁嗟乎驛卒度支充宦囊

自西鞏至安定山行口占

終日盤旋峻嶺隈幾番谷轉又峯回車行直與青天近策馬
誰從紫塞來道遇迪化州鹵簿絕少嵐光滴青翠祇留墩石作亭臺
皋蘭屈指三程近暫息征塵莫浪催

過郭有道墓

東漢橫流日先生道不孤姓名超黨錮氣象見純儒身隱能
消禍才高不箸書工爲諛墓者到此意何如

徐士芬

字誦清號惺庵平湖人嘉慶己卯進士官

內

縣志士芬幼失怙恃能刻苦自勵通籍後入直

究心畿輔水利嘗曰於直廬隙地試植水稻有效會天
津因夷務增兵遂上疏請舉行屯政開墾水田時論
之兩充江南考官一充會試總裁順天考官會試
同考官提督順天廣東學政方正嚴毅弊絕風清

遊峽山寺寺僧乞留題爲書風泉清聽四字復系以詩

兩崖如束泉穿林此閒只許吟客吟空青如洗玉蟾吐此閒
安得主人主招提昔日舒州開白雲和寺同飛來山僧雖樸
亦冰玉清光飲久無纖埃危磴千層苔蘚滑仙子如煙逐風
沒寶劍誰能尋石痕玉環何處留香篋霧愁雨苦蒼龍吟樹
深路古白猿捷留題亭碣空悵然征衫日遠神仙窟

皖江途中書所見

雲荒荒野茫茫絲人穀人僵道旁破椽拆盡衣典盡去年以

此充糟糠君不見四月平地水一丈十月積潦五尺强礮田
腴田一例盡災區千里空流亾不如歸來死牖下吁嗟無牖
歸何方里閭忽傳語振貸發官倉計自握算積日月編行令
甲文高張大口百五小得半有錢無米垂空囊踰踰易得半
甕粟持去濟汝終年糧今年水去田可耕可憐無種何有秧
有種且救須與命慮淺遑計重罹殃雲荒荒野茫茫死無人
見誰心傷牧民父母居華堂朝夕探詢薦吏章

張

枋

字春舫桐鄉人嘉慶己卯進士著證齋偶存彙

冷廬雜識春舫積學能文舉嘉慶辛酉孝廉由教習得
知縣己卯歲將選矣是科捷禮聞試卷首題脩己以安
百姓誤書脩作修磨勘罰停一科於庚辰歲
殿試以知縣歸班銓選因賦游仙詩云可憐一闕霓裳詠

證果翻遲
十二年

聞蚤

問爾緣何事發聲如許哀秋風吹不歇明月上堂來芳草歲
云暮天涯人未回不知閨閣裏刀尺幾番催

趙存洵

字眉叔鄞人嘉慶己卯進士官翰林院庶吉士

董沛日庶常盛有詩名而其集不傳鎮海胡峭水其同
館同年也早世無子庶常哭以詩云百年回首都陳迹
一第傷心了宿緣又云交君敢日忘年友老我誰為後
死人又云骨肉難留身後脈文章賸有劫餘灰哀婉可
誦附錄於蛟川詩繫亦非全詩也

和澹吾林先生瓶菊供佛詩

又是扁舟泛菊天徵詩曾憶十年前綺筵春酒應添醉老圃
秋容覺倍妍詎但酈泉能益壽本來彭澤也逃禪琪花瑤草
尋常事學佛須知勝學仙

小築停艫半畝莊十分秋好引懷長誰知西竺空王像也愛
東籬處士香瓔珞寶幢瞻妙相茱萸高會續重陽他年修得

梅花到慧業如君未可量

胡

湜字守初號嘯雲又號峭水鎮海人嘉慶己卯進士官翰林院庶吉士著胎花樓稟

棹赴舟山

海闊心逾壯平生獨此遊水憑山作岸風與客同舟放眼窮
諸島長歌滿十洲海門征戍苦烽火幾時收

遊阿育王寺

一帶溪山一葉舟東南佛國寄閒游半樓雲起千山暝萬壑
風生五月秋塔影平分宜畫本泉香小酌當茶甌歸帆遙指
斜陽外滿袖曇花嚼未休

黃徵父

字仲治號平齋晚號鶴石璋子餘姚人嘉慶己卯進士官廣東從化知縣著鶴石山房詩稟

十月十七日爲陸放翁先生生辰同諸小桐菊溪倪交

圃呂屐山吳三淵葉花農史竹房張祕湖設祀斷山

寺南樓賦詩

菁江矗高閣蘭若枕平岡三山故里遙相望溪毛明信攬揆
日雲車風馬來翱翔元祐黨人左丞裔根柢忠孝爲詞章能
令天子誦詩句難回姦相墮紀綱官罷清要職州郡小朝廷
上謀非臧豈其賦命守磨蝎而令顯晦參行藏自辟幕僚紀
入蜀西厯河渭南瞿塘射虎山南九秋壯看花劒外三春狂
功名蹭蹬不稱意朱顏八載凋風霜公在梁益遇此日得毋
攬鏡悲流光歸臥山陰三十載遣興時醉蘭亭觴身雖東歸
夢北伐形之歌詠猶激昂公在鏡湖遇此日得毋撫髀驚徬
徨公不長生長不死七百餘載眞無疆天寒舜江足風浪想
見降生舟次淮水湯吾輩越吟識者寡百鳥思見孤鳳凰上
有仙伯主壇坫下開生面除糝糠攀追六子許我否家法不

私山谷黃青蓮室浣花堂不如風雅依梓桑千載韻事毋相忘

述祖德詩

奄暨禍最烈忠臣不顧身元禮就詔獄孟博詣縣官忠謹固莫及從容尤獨難先公居明季國祚日以淪期年十三疏志在康世屯批鱗坐削籍遂初歸故園蜚語起輦轂緹騎下吳門眾人請勿譁放臣行獨前久淹犴狴中所頭來逡巡攝衣謝君父神色有餘閒慷慨正命詩千載淚長潛

青史高逸民貴有不朽實非若隱者流巖壑藏其拙遺獻遭家難孝行達魏闕忠孝萃一門君心爲之惻還山肩學統深入戴山室傳經壽伏生秉志符靖節

皇帝垂清問大吏敦請切老矣辭蒲輪稽首獻箚述徵辟雖

云頻先民有遺則南雷高蒼蒼景行嗟莫及

敬題先梨洲公遺照

清流竹浦古今同百世猶將舊德崇國史儒林兼黨錮家聲
子孝繼臣忠中年竟覩唐虞世遺老終懷夷叔風不願錢吳
同富貴著書寥落萬山中

喀

朗

字清堂滿洲鑲黃旗人嘉慶己卯舉人官國子監助教

杭郡詩三輯清堂大挑二等選授國子監助教居京師與邵位西交密寒夜熬煤中毒遂不起妻葉勒氏南旋殉辛酉之難

題李朝梓畫采桑圖

并序

朝梓漢軍人裁汰後居潘閭巷以畫自給所畫仕女
傳爲仙授

國初以來仕女圖神妙獨數禹鴻臚李公得名兩浙久筆無

點塵眞仙乎弱冠卓犖弄柔翰奇逢縹緲樓頭姝嫣然憑闌
俯相笑霞舉仙袂飄六銖古妝高擁盤蛇髻全神一見難描
摹十眉百美日易稿環肥燕瘦無瑕瑜劉楨何妨作平視聲
價一斛同明珠經營慘淡工意匠長眉添黛脣塗朱人謂李
公出天授吳衣曹帶猶豪麤片紙人珍若拱璧藏之金屋眞
眞呼我得一軸亦奇妙采桑定是羅家敷綠陰如幄露半面
恍遇彼姝城之隅如此仙筆後難繼聞有吳生名鳳池鑲黃旗人爲
其徒吳畫體態亦端好不若師作美且都不若師作美且都
唐龍婁虎眞狂奴正紅旗唐儉職居佐領善畫龍鑲藍旗婁少崑善畫虎時有唐龍婁虎之稱

徐

暉字雲傳號少微錢塘人嘉慶己卯舉人

杭郡詩續輯少薇生有夙慧三歲時母口授詩句能舉
于口性不喜寐一日深夜未臥謂母曰眞所謂燈火夜
偏長乎家人咸奇之以爲神童年十六工文詞中戊寅
副車旋登正榜三試禮部不第歿于京邸年甫二十四

曉起三首

清簾含漪繞楊斜前林纔聽噪飛鴉朝暾未上登樓望十丈

紅綃曳彩霞

鉤摹小字展黃庭洗硯池邊荷露零一院花香風過處帶他

蜨夢未全醒

忽訝晨光轉薜蘿回頭殘月浸簾波箇時畫舫西泠路涼入

藕花風露多

朱恭壽

字半塘海甯人嘉慶己卯舉人官江蘇六合知縣著吉祥止室詩稟

許江祥曰半塘先生先府君同生也以大挑一等試
吏江南旋補六合令莅官十餘稔有政聲邑民好訟案
縹纍先生日坐堂皇往片刻結一案無枉無縱當時
有朱半堂之稱言不待一堂便結也六峯書院久廢不
講先生定課程增膏火邑之形勢山七圩三田畝則山
圩各半每當歲晚務閒勸圩民增築埂隄以禦水患山
民疏濬渠塘以防旱乾由是歲屢豐採訪節孝貞烈凡
一千三百九十七名上之大府請

旌另闢祠宇建公坊以端風化尋以病乞歸去之日都人士
攀轅祖道相與揮淚而別詩案凡八卷別有雜文四卷
燕凝堂官書
一卷均未刊

晉甄研歌爲竹君作

於潛志載縣麻在晉爲選佛場竹君於斯垣中得古碑長一尺厚二

寸闊六寸旁有陽文篆書咸康二年關中侯七字侯字末筆微缺製爲研細膩潤澤他硯無出其右真晉物也作長歌記之

竹君好古有奇癖金石蒐羅富肴核手摹石鼓拓宣文親訪
岫嶠探禹迹好古不古非真奇世之所寶君所遺未央已少
宮當瓦絕妙難尋幼婦碑於潛治近西天目梅骨風清餘老
屋頽垣敗壁古泥封乃有一甄完太璞土花繡蝕苔痕淨長
可盈尺光深幽篆文款識咸康字題名官記關中侯六朝金
粉成桑海三晉衣冠時世改選佛場荒布施空一拳古質留
還在養晦韜光獨自全泥沙瓦礫鎖寒煙銷磨唐宋元明代

不計冰霜雨雪年無花老眼光如電剔抉爬梳製爲硯縝密
而栗潤且堅玉堂清品金閨彥敷陳席上數奇珍古藻繽紛
異樣新冰壺玉尺無顏色汾水端溪非等倫其質不磨文不
朽千秋而後君其有除是書驚王右軍後來寶硯無其偶從
知萬物有亨迤良緣奇遇皆天真當年搏埴陶鈞日已種今
生夙世因不然好古探奇者往來傳舍非無人

老丐

直以流離贖此身淒涼覓食走風塵有求敢說人情薄未死
難言骨相貧溝壑踏平埋沒地飢寒磨慣過來人朱門白屋
都非舊爭怪蕭蕭兩鬢新

題何竹鄉司馬寒檠課子圖

畫荻同欽母教賢絳紗道範比文宣豔看羅紙金花日重話

青燈夜課年

兒時辛苦記分明欲寫親心畫不成一角臥龍山屋小寒機影裏讀書聲

一編親授母兼師此意含酸那易知今日蘭陔修絜養白華孝子補笙詩

振觸生平感不禁卅年空望白雲深九熊一樣慈恩重莫盡春暉寸草心

恭壽六齡失怙先太宜人同此督課披圖三復不禁愴然

許

樸

字蕙庭嘉興人嘉慶己卯舉人官貴州定番同知

府志樸以大挑一等分發河南補沈邱知縣旋升貴州定番同知咸豐庚申殉節

贈道街入祀忠義祠

春暮書齋卽事

擘箋欲餞春春去不知處攤書探古懷悠然釋塵慮花落一

徑紅蛛網罥飛絮啜茗倚風軒鶯燕當檐語慙我淡宕情披襟以容與

張湘任

字宗輅號笠溪平湖人嘉慶己卯舉人著抱璞亭詩集二十卷

林壽圖序畧

仁廟西巡先生嘗應召奏賦入文穎館復舉於鄉僅再試春官不赴歸尋真樂於

天倫推一本之愛達乎羣從昆季時寄意湖山俯仰縉綬以養其冲和宕逸之趣

山左道中書所見二首

上天胡降災流行此邦域田畝無麥禾閭閻少封殖纍纍路傍萃狼藉烏鳶食死者長已矣生者鼠荆棘鳩形鵠面人哀哀哭車側安得杜陵屋撫心長歎息

昨日過汶上今日遊東阿東阿亦荒歉無食將柰何樹皮剝已盡草根贖無多居民斗流徙近復遭兵戈沿途鬻兒女悲

聲涕滂沱側聞賢令尹猶復嚴催科

平湖樂

并序

明孫仲衍有湖州樂戲仿其體時孟夏十日也

平湖湖水清且漣春風滿路搖畫船弄珠樓頭一凝眺遠山

初月光娟娟

弄珠樓旁臨湖有軒名遠山初月

三月纔過交四月牡丹未謝

薔薇發黃魚市上帶冰來綠筍園中和雨掘二三朋好相提攜
閒來湖上酒吳齋笑攀垂柳衣黏絮醉踏落花香作泥風光
如此良不惡見慣司空渾淡漠身在他鄉憶故鄉今朝始識
平湖樂

示歌風書院諸生

文章所以貴豈不在根柢經訓乃奮奮此語聞韓子遙遙千
百年請爲暢厥旨膏加光可希譬彼枝頭藥源遠流乃長譬

彼河中水立志戒紛馳致功在層累大端曰有二養氣與窮理氣充無隔閡理徹融渣滓杼柚出新機鑽研惟故紙風雅湖雎麟典謨規姚姒春秋著謹嚴爰象探元始一一恣含茹下逮曲臺禮博之以楚騷暢之以腐史西京及唐宋涉獵紛可喜冥心縱一往汨汨乎來矣指途途不迷明道道在邇大醇無小疵有本者如是制義雖卑卑其法亦爾爾矧乃代聖言安可雜蕪俚絢爛歸平淡文固有定體白戰信能免紅勒未爲否鍾期遇伯牙何處無知己此邦風樸淳瞿瞿皆良士一邑盛璠璣四郊多桃李相期追古初非必慕青紫經明行以修豈但文詞美嗟予少懦頑學業荒頽弛微名競蝸角浮生長馬齒只今擁皋比自問增吾恥敢述舊所聞贈言幸無鄙

予求青柯先生詩年餘不獲忽沈君萃園攜其全帙見
示蓋其兄筠垞所編次者將授梓而筠垞歿藏篋中
十餘年矣

竟使幽光發由來理固然直將千載永豈但一經傳今春子與錢夢
廬火爲先生立後風雨蝕無損神靈護有年多君兄弟意珍重此殘

編

吳勤邦字襄士號鐵梅烏程人嘉慶己卯舉人
官四川內江知縣著秋芸館詩藁六卷

入峽

五更已斷霜天鐘船頭伐鼓聲瑟瑟舟人喧語客子起初日
漸射篷窗紅黃陵廟接瞿塘路層層煙霧層層樹未濟先聞
夜有聲臨流欲唱公無渡舟楫砰訇響若雷談何容易上灘
來萬牛輪輓真相似百折波濤總不回旅客倉皇劇驚怖鳴

鉦郵卒殷勤訴生長江邊四十年何妨瑣屑陳其故君從浙
西來浙西錢塘江上潮銀山十二湧層霄君從江南過江南
揚子江中浪海門風雨愁難狀何處風波不膽寒何人行路
不艱難但于履險逢危際借作持盈保泰看三峽崩濤固可
驚逆流終比順流平片帆千里江陵路一跌尋常勢不輕吾
聞斯言發深省人逢患難須甯靜只憑忠信涉波濤莫倚輕
便快馳騁

與友人約游西溪雨阻

有約同呼蚌蜃舟西溪風景最宜秋蕉窗一夜瀟瀟雨人與
蘆花共白頭

汪耀文

字曦章號虹橋歸安人嘉慶己卯舉人
官四川南充知縣著麟香館詩案六卷

貞女詞爲楊味禪刺史姪婦韓氏作

嘗見湘江竹矯矯不可折又見崑山玉皎皎不可缺竹折不
改性乃比女之節玉缺色愈白可方女之潔韓氏有淑女性
真如金鐵禮儀自幼嫻鉛華性屏絕鬢齡失所恃哀毀號鵲
血芳年行及笄待字藕將結荇菜參差流行詠關雎什何意
未乘鸞嘉偶乃永訣君子赴修文之子成激烈長跪告其親
勵志明霜雪父言苦相慰女志矢靡慝戚郇動相勸歛容同
化石視死真如歸烈士出巾幗伯父喻其志姑嫜欽其德以
車迎入門克盡子婦職非天庀其身何竟遭其逆憶昔聖有
云歲寒知松柏

黃桐孫

字穉木號支山鄞人嘉慶己卯舉人
官廣東鹽大使著古于亭詩文集

董沛曰黃氏一門父子祖孫人各有集文以東井先生
爲最詩則以先生爲最同時名家自餘山梨門外皆不
足與先生抗也

飛來寺

六鼇駐蓬萊不繫浮山浮海門削半壁突兀凌炎洲茲山亦
飛來來自鷲嶺頭如來袒右肩撐出南天秋仙佛留幻迹恍
惚誰能求陽侯與巨靈搏攫爭飄流我坐古寺巔萬古蒼煙
收只恐風雨中飛去攬九州高鞋躡之行上朝崑崙邱流峙
得道妙寂滅隨天游流泉聒人耳夢醒空山幽

饒平詠古

百里度高碑青山開舊縣南距漲海深鯨波漱巖甸民居雜
魚鼈遺事荒史傳登臨俯混茫訪古乏英彥我聞南宋末國
祚沈冥淀桓桓張太保燭火尙能燭毅骨付鯨吞貞魂激龍
戰其時許夫人橫流拯一綫鳴鼙振鼓輦斫蛟分組練陰縑
萬靈走陽絕百陣變砮石掃煙霧雷殛燂虹電東會陳君師

陳名散髮湯血面鯢封翻海乾鼉掣蹴山抃威將宏範馘魄
奪伯顏譴庶幾報夫君天地幹回旋殘日流倉黃愁雲掠眩
轉未挂玉女弓先折東屯箭東洋屯夫人師出黃岡與元人戰敗於此迄今浮山
墟縣東南三十里中有碧血濺接鄰丞相家遺址其淤澱陸丞相留家島中後
俱廈傾運莫支陸沈勢絕援孤忠有同盡高蹈無後戀宜築
夫人城蘋繁百世薦輿圖此足徵餘烈光象瑱詩罷悲風來
虹氣尚流綯

彭蠡湖口阻風偶作

揮戈不見常開平康郎戰壘空崢嶸黑風一夜浪軒簸如聞
萬馬西南征揮毫不慕王子安輕帆獵獵生羽翰明朝弄筆
賦秋水六朝舊語翻餘闌此身只作隨陽雁寒暖心知去來
慣高搏也欲駕飛鵬低泊何妨隨斥鴳鬱孤臺前一樽酒落

落長風更回首破浪何當駕海游萬里煙雲入吾手

自德慶放船一食頃抵高要

八尺舵十尺蒲長蛟夾舟高鵬扶天吳作右衛海童爲前驅
從以金支及翠羽素車白馬江妃趨大山小山騰蹕欲相赴
失勢一落千巖徂龍門鑿斷濁河沸瞿塘斗闕灩澦輸廣陵
飛濤走萬騎呂梁跳沫驚雙鳧風馳電激有此無一息百里
長年呼過眼掠耳三百里嵩臺繫纜方朝餽事殊興劇莫快
意向來性命爭須臾

電白秋晚

塞鴻飛不到萬里接蓬瀛秋日斷雲氣晚風行浪聲鹽田耕
活水蓮島鎮孤城回首瞻東海歸帆幾月程

邢州懷古

孟孫落拓更誰容肯爲將軍杖策從史冊縱橫談世事關河
跋扈啟雄封開基直欲嗤司馬託國無端又季龍墓上右侯
悲宿草可堪回首百花峯

周宏嗣

字寶堂奉化人嘉慶己卯舉人官樂清教諭

游雁山次白香山游悟真寺詩一百三十韻

道光壬寅歲十月月上弦驅車至大荆因之游雁山出城日
已斜流水聞潺湲紆回六七里石梁緣谿灣旁多紅葉樹下
臨白石灘山禽暮歸巢飛鳴遠塵喧迎面立老僧巖高不可
攀暝色入深谷星辰出巖巔云至碧霄寺竹樹森一邊山高
月難到幽暗如扃闔但見羣山頭厯厯垂仙鬢老僧設伊蒲
說門舌瀾翻須臾月升中推窗見庭軒乃出三門望恍惚非
人閒見山不見寺寺深山腹寬突兀萬仞石壓屋架青巒有

如鐵屏風百萬排天堅前有觀音峯羣峯皆龍蟠關雞奮長
頸靈芝旁芊芊最近將軍洞秋風時聞絃月斜看未厭起坐
爲俄延瞥見鳥飛出眇小如秋蟬遂入禪房臥心空魂夢安
晨起懶盥洗入境皆悠然僕夫催出門一步一迴旋夜旣饒
幽景曉復踏晴川行來四五里巨險當平原道是靈峯洞洞
小纔容拳及至洞口看百尺圍石闌闌邊多古木曲直咸可
觀前有雙筍峯高聳入雲端亦曰雙蠟燭照佛輝旌繁直上
數百級僧房若盂槃上有珠簾水水滴屋瓦穿壁開天一綫
兩崖爭比肩內有洗心池濯之澤朱顏象設大悲悲禮拜瞻
華鬘列坐阿羅漢天巧非雕鐫石髓成脂粉古香殊梅檀平
衍數畝地光潔鋪瑤筵仰視洞中頂石紋綴珠鈿陰晴俱可
見秉苴不用燃崖端有草木枝葉蟲蛇蟠有時天風過觸石

聲珊珊大石玉光白小石血色殷一洞分爲兩上如人之冠
下若船覆篷無風六月寒欲辭塵世事來鍊爐中丹從此復
西行更歷幾祇園山風吹我衣自謂身是仙入憩淨明寺日
午塔影圓南有蟾蜍石昂頭趨寺前東有聽詩交蓮花扶清
妍北曰蓼花嶂磊砢如牛眠西望巖下水珠玉媚娟娟豁然
見開朗心暢體輕翮縱觀谷外谷名象實有蕃往年釋道融
學佛近儒酸收藏古名蹟不愛青銅錢來游有詩客供饌修
蘋蘩卽今守戒律香廚無腥羶游山箸便覽巖深鏤板刊我
來聞疇昔題詩殿東偏前人有歌詠舊壁餘花牋坐久方寸
地鷲飛魚躍淵迺自至靈巖有山不敢看大旗從天展似欲
將人搏小旗雖非偶鵬翮橫空驚天柱拔地起萬古白雲攢
恢詭不勝紀大哉化工天再上靈巖洞羣巖列成團十步九

回折行人如轉丸曰天開圖畫四時雲彌漫龍鼻滴水盛
以碧玉盤大旱滴不絕旁流亦潺潺龍自靈峯來奔騰無迴
環兩山相夾持雷霆駭驚湍龍怒忽掉尾觸首吐銚涎鱗甲
森閃爍欲飛勢轉難別有臥龍谿時窺飲澗猿入觀小龍湫
云有紅鱗鱸我雖未盥漱支體消熱煩飛泉拂劒鋒寒侵臍
與肝捫蘿踏峭壁無處尋靈源一帶錦谿水十里青琅玕言
游大龍湫腳底森瓊璫有石皆堪寶空山長棄捐誰鞭華嶽
來翠峯相交連雲霞片片落化爲白玉竿是日剪刀峯猿猱
絕攀援漸見汨汨水旋作微微瀾突入蛟龍宮另闢天一寰
峯刻千仞壁凹滑如瑩甌水從壁上飛下流萬丈懸昔有白
雲庵老僧此坐禪我今但看瀑妙難以言傳尺布裂天出滾
滾飛鱗映日呈五色紅藍青赤元風來忽不見珠屑散芝

田倏忽大雨注對語不聞言細沫箸肌膚毛髮爲之斑或作
回旋舞玉龍繞印壇或作雪霰飄紅霓垂蜿蜒頃刻千萬變
寸寸幻雲煙逝者如斯夫摹寫失精專玲瓏隔山望飛絮猶
翩翩願茲一泓水流爲百道泉遠近有田畝灌溉永無愆我
爲潛龍禱稼穡思艱難緬彼能仁寺歷年踰半千南宋迄前
明菩薩崇九蓮呼僧訪舊事於今無有焉春釀傾泉白秋葵
摘露鮮晚餐眞饒飽連日喜晴乾尙有名山勝茲遊信未殫
就吾所觀見殊自足盤桓念我來樂清苦爲名利牽自昔登
賢書五度上春官讀書無成效忝爲閒散員雖云飯不足何
以免素餐況復邇年來多病而寡歡今年五十二鬢髮半衰
殘豈不懷好爵或恐擔憂患坐此常自息藉以全愚頑賤貧
何所樂疏散無拘攣出門知幾日興盡聊云還飲酒五六盞

吟詩三兩篇消除身外業領取靜中緣四時有清興終歲多餘閒持此一問訊何如義皇年

王日勉

字文農蕭山人嘉慶己卯舉人官慶元訓導

馮春潮曰君襟懷瀟灑博涉羣書訓課諸生援引典則皆大雅宏遠之言喜吟詩其妙處真脫口如生也

慶元四賢遺址

誰卜薰山兆文章第一流英聲蜚大學芳蔭護縣州軌範傳多士科名許狀頭藍田遺壁在虹彩耀千秋

劉狀元坊

乞米償新俸能言便不同街談誇幼慧邑乘記公忠朝士傾

風久春官就日崇九都祠宇下猶是話神童

陳尚書祠

過目都成誦藏書不在多他年經畧使當日教官科錦共金

雞割紳隨繡豸拖故鄉宜置縣畢竟意云何

胡侍郎宅

讀卷知肝膽文章信有神淵源傳介弟鐵石識忠臣玉海藏

書富龍潭結穴眞辨香勤拜謁記取後來人

王給事宅

錢

斌

原名應涵字省淵上虞人嘉慶己卯舉人官嘉興訓導

過弋陽謝文節祠懷古

君不見白雁飛來江水秋六陵夜哭冬青愁又不見匡山萬丈海濤立颶風一夕漂龍舟偏安殘局竟如此乾坤但有孤臣留侍郎慷慨奮忠義信州不守空離憂轉茶坂頭變名姓橋亭賣卜寒雲浮麻衣夜夜慟朝市血淚迸入江波流薦書強迫燕臺去拌將枯骨埋荒邱曹娥碑碣屹然峙憫忠古寺風颼颼采薇甘作首陽餓蒼煙黯淡沈松楸嗚呼文山死後金甌缺先生亮節眞堪儔我來故里聞遺迹殘戈斷鏃遺沙洲巍峩廟貌煥千載靈旗獵獵飄朱旂徘徊廊下不禁三歎息但見中天明月皎皎懸城頭

牽夫行

水自信州來湍流急如箭官舫逆水行浮送資一牽百丈辯
青竹引伸如撚綫十夫負之趨泥深常沒胛爬沙似蟹行急
奔如鼠竄溜大船不前巨纜挽欲斷周道有時窮兩山斗無
岸躍身頰回波鳧鷖同泛泛洄深或及肩仰天出半面得路
仍前趨勇進弗敢倦而我坐篷窗輕揮白羽扇卓午苦炎熱
尙惜衣沾汗夫夫伊何人食力視畜賤同此覆載中可以發
長歎撫心一自量酷暑如冰渙

王

治原名澤治字道一江山人嘉慶己卯舉人

獵騎

腰橫短箭手長弓較獵平原意態雄山外林空鷹掠野陌頭
塵起馬追風獠徒施捲秋雲白羽隊圍開夜火紅只爲給鮮

供祀事豈將多少論成功

曹應樞

字秋樞瑞安人嘉慶己卯舉人著梅雪堂詩集

孫衣言序先生以爲能爲之始從我師秋樞先生游卽以詩質先生先生以爲能爲之始從我師秋樞先生游卽以子甫鄉學爲詩而先生所以激厲成之如留先生所問言詩者我項氏舅几山雁湖兩先生及以友周仲梅慶相與先生三五人相往來酬和皆有名而尤以先生爲雄長先生亦氣盛自得欲以詩爲之提唱遇人卽喜與言詩有所過從據上坐抵掌脫帽挾摘可否酣嬉淋漓爲詩申紙秉筆數百言立就若未嘗用意而怪奇瑋麗變態百出予少時嘗喜效先生爲詩卽恨不能及凡與先生游者亦皆自以爲不及也

浩歌

吳潭蛟斷一寸鐵水神辟易目皆裂日車倒墜水晶宮一抹殘虹溼餘血錦衣驄馬海天遊塵世變幻看浮漚落魄走謁醉鄉侯蜃氣結海成酒樓清風明月自人世遊夢不假尋十洲謫仙若不死天河輪盡玉皇愁長吉若復生混沌鑿竅窮

雕鏤仙人手招箕尾上元鶴爲舞清商謳吾欲捫天倚絕壁
天豈無情一片石一葦載月上青天浮槎影貫銀河碧

遊雁山歌爲項雁湖作

昔年遊興遍九州夢馳五嶽到三邱詎知咫尺竟萬里雁山
反義故人遊故人項君號雁湖前身疑是煙波徒芒鞋未到
心已到名山面目同故吾況爾東西內外谷圖畫金箱臥遊
讀奇絕來窺一綫天翔鸞伏獅紛滿目百二高峯青復青雲
行杳杳隨空冥仙人玉女顧而笑天風吹得塵容醒盡日看
山看不足山僧待子新茗熟往往探奇意未經冥心自向巖
中宿當年謝客窮蒐羅姓名日月留山阿逸才勝地兩相敵
雲煙過眼光不磨三賢五老違人世迥然天骨森撐摩名山
當前人不有翻讓開士了與那君借清遊當小隱月明長嘯

鸞鳳過鏗然詞鋒落雲漢山靈有覺顏亦酩吾生苦無濟勝
具甌區流覽嗟蹉跎讀君遊吟好篇什枚生七發痊沈疴何
當逕上靈巖蓮花之絕頂俯摩天柱淩嵯峨

讀韓昌黎詩

唐初陳拾遺盛軌轍一世李杜據其光厥盛極難繼沿及大
厯後詩源漸雕敝帖體雜俳優宮詞淪綺媚堂堂昌黎公頽
陽輓將墜立說韜百家取精彪六藝古綆汲瑰奇巨刃割纖
細龍文獨筆扛鯨魚赤手掣天門笑飛光百怪閃幽祕關河
兀險塞吐納盡宏麗元和聖德詩煌煌尤鉅制律森衝墉嚴
氣激金石厲大雅一派湮孰探其世系叢樹集虬蟉能否搖
根蒂兩手捧泰山能否揚嶠嶓元氣灑肝脾神錐入砥礪庶
幾換骨丹感此刀圭劑

陶山寺遇雨

目斷羣峯影蒼茫混太清凍雲沈石氣驟雨合江聲性懶諳
調鶴才庸愧掣鯨陶公高隱處煙水古今情

秦鏡圖爲友人作

吾聞揚州百鍊鏡恨不往觀鑄江中又聞秦鏡尤奇絕作詩
還羨漁洋翁君從何處得拓本贗紙古墨塵虧蒙花光黯黯
隱綵鳳匣紋糾錯鼓盤龍滄桑往劫幾千載令我懷古心忡
忡周綱淩遲玉鏡失嬴氏窺竊三光零遂令神器偶假手鑒
古得失天曠隴帝欲鏡秦秦鑄鏡鑪煙紫焰成長虹鑄成五
尺有九寸明月掛出咸陽宮下陳如花不敢近照人肝膽非
照容山精木魅咸屏伏軒轅球鏡將毋同自從山東起烽火
長安宮闕盡蒿蓬美人粉黛化塵土誰復著手磨青銅泗上

九鼎入地軸陳倉十鼓敲牧童從來物理有韜晦如此至寶
知難逢惜哉祖龍徒虎視不將金鑑懸心胸照見後宮二十
六不見芒碭眞英雄

渡揚子江

臨流不盡古今情眼底金焦畫未成南北中分誰設險英雄
百戰半留名殘鐘月落瓜州渡暮柝風高鐵甕城釃酒舵樓
歌一闌魚龍驚起夜潮生

送春曲

玉屏春影桃花暮隔簾曉月琉璃座金翹翠壓眞珠紅東風
不到送春路錦字休燒鯉魚尾玉珎沈沈收不起儂家有樹
在西陵纏斷兔絲爲君死

雜詠

微雲一抹影空濛倚徙行吟竹徑中萬古詩人此明月一年
花事又春風名場得失蕉中鹿世態浮沈雪際鴻歷落塵寰
緣底事蕭閒翻羨祝雞翁

亂巖飛瀑響淙淙敲枕聽來夢轉慵
屋桐陰招放鶴入簾
花氣度游蜂石鑪添炭閒評藥竹笕分泉試灌松風景誤人
還自悼年來心迹似蛩蛩

鐵甕城

檣帆葉葉曉風清攜客登高酒半醒
雨過雲歸京口白潮來
山接海門青岷江極目聯襟帶越鳥長天去杳冥此地由來
兵可用蒜峯何處水泠泠

北湖探梅

林寒靜意多霜餘見山骨梅花如幽人悄悄出林樾花香晚

更深當風不可掇鶴夢倘歸來夜度清溪月

飛霞洞臥樹

仙人留一臂蜷結此巖阿日月靈根聚乾坤舊植多肯隨時
俯仰未覺老婆娑吾亦支離叟相看意若何

周衣德

字藕農永嘉人嘉慶己卯順天舉人

縣志衣德貫徹經史文如湧泉時人謂之行書廚先後居京師十九年以貧故常斷炊盧相國蔭溥耳其名館之敬禮有加顧淡於榮利性耿介以知縣揀發湖南甫謁上官輒以書迂目之改教職歸課徒自給年六十四無疾而逝著四書講義研經堂文集

述懷

狐貉不踰濟橘柚不踰淮物生遂其性亮由地氣佳人則異
於物匪因遷徙乖丹桂出層嶺芳蘭被秋厓馨香不遺遠奚
憂寡所諧

望赤岸山房

聞說雲深處靈山複幾重巖門通細徑石屋拔奇峯古洞祠
龍母春壇養鹿茸欲遊難踐約凝望碧芙蓉

徐葵生

字衛堂號蕙唐汝翼孫
仁和嘉慶己卯副貢

府志葵生簡默自持有至行母氏爲盧文昭女孫體素
羸嘗遭危疾葵生割股以療與金露香稱東湖二孝云
詩務獨造一掃
尊韓抱杜之陋

長夏卽景效劍南體

長日山房好柴門剝啄稀觀書添渺論學弈避危機樹色涼
新靄蟬聲健夕暉何人會斯意裊裊篆煙飛

泊桐廬

晚飯桐廬縣歸禽勸小留江聲春客夢煙雨接春愁徑僻餘
尋藥臺荒邈曳裘千秋兩高士同調自賡酬

胡容松

字心泉建德人嘉慶己卯副貢官會稽訓導

郡城重建嚴先生祠

釣臺名蹟遠結構到城隅厲俗尊賢守

謂聶守培風起懦夫

鄉閭知禮讓學校有師模再讀祠堂記高山一歎吁

鄒志路

字義衡號仲虎又號狷齋錢塘人嘉慶己卯優貢官甯海訓導著狷齋詩集

沈毓蓀序畧仲虎詩格高音響力健氣邁自編狷齋集數百篇樂府宗漢魏古近體宗盛唐與時流之習曼聲

矜采色靡靡而無骨者未可同日語也

楊坦序畧仲虎所著狷齋集大率皆卽物寓情援古達意以瑰奇磊落之姿發爲俊爽沈雄之響一作手也

鍾駿聲曰仲虎先生與先大夫爲總角交文筆如天馬行空不可羈絏試輒高等願困於秋闈年六十餘以優

貢終其詩風格高邁樂府尤工

緝雅堂詩話狷齋有讀西藏志六十首紀山川道里風俗物產之異詳核雅贍可入藏脩志乘

勺溪

勾溪溪水深一篙下寒綠暮靄澹遙山炊煙起茅屋小住亦
復佳杯酒羅野蔌箕踞坐船頭漸見月漉漉回首望家山蒼
茫迷遠目安得雙鯉魚買之錢一掬剖腹藏素書寄我同心
曲漁舟來不來且就溪邊宿

瑞洪阻風

扁舟一葉淩洪波瞬息十里百里過章江城門儼在望準擬
排日投行窩天公怪我太豪興阻魚歸整禽歸巢西江巨浸
數彭蠡支流亦復成長河我舟初入瑞洪口驚濤忽起翻蛟
鼉黑雲沈沈雷格格而師整駕逃羲和滕六異二共肆虐狂
飈密震來頃俄帆敝篙折百丈裂順勢一擲膠淺阿三日曲
腰匿篷底如魚在罾禽在罟乘風破浪稱素願到此始覺前
言謬吁嗟乎書生涉世多輾轉順境常少逆境多不信試聽

勞人歌

捉搦歌

松柏之貞有時折金石之壽有時滅男兒朱顏當自惜老女
不嫁頭白雪

蒼蠅飛飛汚良玉市中有虎市人逐酒杯慷慨談心腹射工
含沙伺汝肉

匣中古鏡如月滿好醜妍媸自分辨美人清臚工睇眄慎勿
近前遭白眼

行路難

丈夫不肯老牖下日向城東市鞍馬黃金作轡珊瑚鞭去覓
人閒知己者黑雲黯黯風淒淒白月入戶無光輝鵲鵲成羣
鷗鷺翻丹山鳳皇常苦飢禍衡懷中刺滅沒劉表正宴江東

客

野田黃雀行

北風蕭蕭白日旰虞人結網野田畔黃雀畏鷄棲空場豈料
機絲斷柔翰古來志士多轆軻避鷄得羅可若何虞人虞人
聽我歌

題海昌沈丈蘋濱

蘇蘇詩集

海濱一老衍風雅心嚴紀律才滂葩精神滿腹體骨瘦植立
儼似枯木槎白鬚鬢善談論發響直欲驅雷車我初聞名
未識面遇合乃在江之涯酒酣爲我說豪舉不異郭解和朱
家牀頭黃金果何物揮手一擲輕泥沙飢來驅之出門去黔
南十載投荒遐公卿倒屣士夫拜願留祥鳳師雛鴉先生於
時整筆硯摹繪犵鳥羅蠻花著作往往載邑乘文章有用非

淫哇前年暫歸不稱意又聽漏鼓來官衙先生六十我三十
狂態乃復同矜誇我張偏師擬決勝公列奇陣來攻瑕鄒人
與楚殊弱強交綏一戰奔麇麇壁門投戟願北面兵法授我
譏皇苓伏而誦之獻一語恍持布鼓雷門過

小隱巖題壁

將軍射虎處林壑極幽深瀑細下寒雨樹多成晝陰天留招
隱宅人有避塵心欲問巖棲者勞勞不可尋

歲暮懷人詩十五首

通眉長爪人云是安定裔經齋事齋中問君奚位置理學有
本原知不僅文藝

胡問槎
理坦

魁梧而奇偉定非小丈夫言大副腰腹滿貯經膏腴東方竟
長飢負此九尺軀

吳移華
夢棠

文章豔如花性情冷如雪蕭蕭秋竹竿獨抱固窮節牡丹嬌
春風不足當一瞥葛秋生

君年未二十作賦誇羣英口吐白鳳皇揚雄是前身清廟揮

朱絃一洗笛與箏

俞霞軒
興瑞

友伯如友蘭友仲如友蕙君家老書堂古香此其繼舊好願

勿違新歡願勿替

孫雲楣承祖
雨生承福

文章豈足豪功名奚足藉碌碌座上人但供劉四罵滑稽與

詆諧髡胡之流亞

吳也癡
理普

汪君風雅士磊落談詩書作爲華國文佩玉而瓊琚惜哉張

良椎一擊中副車

汪麟岷
應昌

按劍風蕭蕭殺人血漉漉銳身報父仇歸來一編讀至今古

蒲城猶聞鬼夜哭

趙裴
人錦

高聳山字肩策杖于子行詩壇大幟拔酒國名都爭言語妙

天下舌上青蓮生

邵莘田志尹

快如切玉刀銳若射石箭手麾大將旗轉戰當一面君苗亂

兄文輒欲焚筆硯

鍾嘯溪世耀

十七賦遠游西域參古佛二十歌從軍馬上吹簫築骯髒八

尺身淋漓一枝筆

秦小游大松

孤月懸秋空眾星無餘輝蒼鷹下寒天凡鳥皆倦飛何不學

江海眾壑從之歸

吳辛迂庚

山人冠星冠絕俗居天台陰陰洞口春萬樹桃花開胡麻煮

已熟美人來不來

張梅圃英元

朝吟共一編晚食共一案當時瑜亮評念之發長歎君已鶴

摩空我尚琴在巖

高辛才應元

小山叢桂發得意凌高秋燕臺未卽上十載空沈浮惟餘明

月詞唱徧秦淮樓湯秋漁

冬日書懷

峭寒入骨酒無功瑟縮何由氣吐虹名士文章多冷語豪家
絃管盡春風已枯樹有重新綠縱好花能幾日紅寄語洛陽
賢令尹不須車轍問袁公

陳文肅公文龍墓

蹈海帝無疆孤城障一方兩旗懸日月百口共危亡後死文
丞相前生岳鄂王墓門森苦竹飛刺凜秋霜

劉燦字星若號辛榭鎮海人嘉慶己卯優貢著鳧磯館集

蛟川續耆舊傳星若性孝友學有本原著嚴氏詩緝補
義續廣雅支雅汪文端公李芝齡少農爲序其書其補
訂日知錄及原書百篇皆蒐羅務盡此
外尙有水經注勘誤四書答問諸書

題陸文虎先生行腳圖

先生志行士讀書在南里結納惟賢豪論議風雲起慷慨欲
施爲時危厄其技好奇同海莽長歌和劉子世閒齷齪徒遇
之皆心死身固以剛折名成亦以此晚年隱雪瓢裝束瞿曇
似爲履行腳圖猶覩風貌偉世遠人民非事屬詳終始煌煌
南雷銘長照甬江水

吳紹闡

字蕭舒號虛谷錢塘人

長流水早行

扶將殘夢上征鞍灤露猶濃漏未闌絕塞鳴駝驚路滑平沙
征雁報秋寒日籠衰草連天白風挾悲笳入耳酸十里郵亭
方歇馬荒涼野店進朝餐

錢桂霖

字馨山錢塘人

渡鶯脰湖

淺陂鄰鄰碧浪鋪蒲帆十幅類輕鳬
繚漫是水天爲界平遠無山雲補圖
柳外陰濃雙堠古湖心煙歛一亭孤
綠蕘青笠如容我好網銀魚買玉壺

楊

梓字丹崖錢塘人著端舟集

桐廬道中曉發

漸過桐江險江流遠更清人家無犬吠
林木出春聲柳色含煙潤風帆逐曉輕
故鄉回首望歷亂別離情

宿麻車鋪

翠濃寒雨過抵暮泊孤村山色能深淺
江流似吐吞亂雲藏野樹新月落黃昏
搔首篷窗下離人自斷魂

英德縣舟次

我欲挾飛仙曠遠盼皋石白雲不在山羣峯刺天碧晴川落
空翠繽紛似可撫嵐光澹欲無涼風生肘腋更令清興生無
復塵囂積湏江弄微波長竿舉青鯽黑頭難久恃白日逝可
惜坐愛煙雨棲吾當永朝夕

趨肇慶

神仙留勝蹟何處認崧臺客路行將盡鄉書燕未回舟遵三
水去人度萬山來爲有高樓迴情深庾信哀

登樓望七星巖

炎陰融雨雲作堆晴峯森列何崔嵬高樓百尺帶江郭星巖
亂磧荒城隈山光入室似排闥西來之水如奔雷泉石於我
本痼疾豈惟鬱積相摧頽披襟坐嘯及清霽有如斷飲親尊
鼻燒空焰焰解娛客佛桑一樹紅玫瑰煙鬟咫尺不得到鬱

蔥遙望空裴回

曉過石基感懷

一片江邊石臨川復面山水消沙岸外路失曉煙間客淚有時盡溪流無日還情深泉石約歸去掩松關

登英德縣城樓

高樓獨上動悲辛零落鶯花又一春不斷亂流當檻盡遞更鄉語逐程新典殘書劍難爲客飽看溪山未是貧休學仲宣誇作賦功名吾久愧因人

王蔚文

字隱南錢塘人著我餘書屋吟草

雁蕩山紀遊

的的芙蓉瓊臺之巔

芙蓉峯一

圓互特立參差鮮妍朝霞吐

豔夕露含娟西來幻化妙相儼然

在蓮霄巔下回視宛然大士相

綰綰雙髻翠籠雲翹約以綵綬

右峯腰開二橫痕近左臨於一痕隱然繫五色綬

絳霄玉女高鬟小姑垂髻迎風比豔映日增嬌

隱隱朝陽芙蓉之坳

羅漢寺本名芙蓉寺朝陽峯在寺外

側看屏展正視柱膠

踰鳥假道鳴鳳占巢晨光薄林銅鉦在梢

矯矯臥龍息呼寒皋浮塵作海怒風成濤非潛非躍不泳不

翱佛鉢清涼此焉常逃

臥龍峯至羅漢寺望之又如覆鉢大而不長

煌煌火焰騰輝山阿不焚玉石甯焦藤蘿巨鑊厭勝

火焰峯在能仁

寺前寺中有鐵鑊圍徑丈許相傳厭勝火災

羣鳳召和

峯又有羣鳳之名

暄我寒谷樹之

嘉禾

巖巖戴石飛泉之陽

戴石峯北有飛泉寺

對仁標勝

峯一名對仁寺以近其遙對能仁寺

斗沾光微土被石短木含霜

峯尖聳著微土而生短木

空山無人學士悲

涼

明薛應旂峯下詩一到空山便可哀

稜稜剪刀一峯三名

初見為剪刀峯右旋為一柱

龍吟虎嘯

東對閭王鼻謂

之龍吟

圭植蟹橫

外視屹如植圭轉北若兩巨螯

兩歧百丈孤兀凌擎造化

洪爐鍛鍊最精

遙遙天樂下彼帝庭卓筆南顧

天樂峯北為小卓筆峯

連雲右屏

右為連雲

障松風獻技竇穴效靈洗我濁耳冥坐以聽

巍巍天冠高廣無垠日月旁貫

旁有穴橫通左右

鐘鼓雜陳

天冠峯又名鐘

鼓匪鼇之戴惟帝用珍芒鞋竹杖岸幘來頻

粲粲碧落西翼雁山竦壓地軸開霽天顏白壁萬仞紅泉千

灣雁蕩山西諸水皆合

流於碧落峯之下

晴崖表勝

峯又名白崖

李之昉

字小蓮錢塘人著

徐廷華序畧小蓮之詩思深以悲音激昂以慷慨觀其所成得山川之助

壑庵訪破公不值次壁閒洪稗存編修

亮吉

韻留約

壑庵一石具一壑石壁題名剝復落偶來小憩枕石眠石邊
松檜繁於前松枝桂影雲深處隱隱梵鐘催不住明朝有約
敏禪關一指偷參過湖去

趙

魏字晉齋號萊森一號
洛生仁和恩貢

府志魏好學精篆籀酷嗜金石文字阮
元許爲歐趙簪錄不是過也尤愛其詩

古均閣寶刻錄晉齋博學書古尤工篆隸所藏商周彝
器款識漢唐碑本爲海內第一著有竹庵齋碑目華山
石刻表歷朝類帖攷小學雜綴等書青浦王氏金石
萃編儀徵阮氏積古齋鐘鼎彝器款識皆其手定

黃君小松遺余古碑并無軒書及湘管聯吟卽步原韻

梅花歷亂盧仝屋欲鐮千竿萬竿竹竭來未與素心同空傍
蒹葭想如玉元龍意氣叔度波欲往從之春水綠新詩翠墨
會伴來蹺然足音響空谷我本天涯淡宕人萬事捐除不挂
目二三知己如水交高情轉切瓣香錄湘管齋頭領臥游亦

日應嫌渭川俗閉門覓得此君情會心遠在沅江曲征帆何
日美東南忍使相思瘦于肉君不見吾家舊住水晶宮擬棹
金波看月穆

趙觀海

字啟堂號齊量仁利諸生著啟堂吟草

蔣炯傳畧齊量操履純潔尺帛寸金不妄受時或絕食賣畫以自給好飲酒貧不能置願領以卒

題畫扇

芙蓉幾疊漾平空絕似江南細雨中一鳥不聞煙樹晚渡頭
徐泊鯉魚風

高

醇

原名復亭字桂山仁利諸生著花灘漁隱集詩草

潘世恩傳畧君孝於親友於兄弟父歿讓產有古人風生平以開來學爲己任持躬接物一矢以誠旁通數學箸有皇極探微耕石軒文存

登葛嶺用東坡自金山放船至焦山詩韻

搜奇探幽性所耽徒步由西而之南葛嶺對峙兀相向時光
正好三月三初陽臺上登絕頂層折路如剝繭釐雨後青山
少顏色對人似覺面目慚藥爐丹井復何在秋水一泓存半
潭圖畫天開四大字摩崖筆妙何清酣老衲非是舊識面滄
桑往事無從譚斷碣殘碑半磨滅居中賸有古佛龕沙彌頗
解客來意石函味得甘泉甘嬉游不憚跋涉苦山靈笑我何
其貪稚川一去不復作仙風欲繼誰能堪興酣日暮未歸去
隔谿還擬尋茅庵

自題花灘漁隱圖

一葉扁舟一釣竿歲寒風雪泊江灘同舟故寫閨人貌當作
梅花耐冷看

孫震元

字東掌號秋水仁和人
簪洗我蓬心隨偶吟

杭郡詩續輯秋水詩不多作而清逸有致尤精素難之
學所著有天神微畧五十卷醫鑑四十卷金櫻小錄八
卷傷科彙治五十卷

清溪漁唱

跪地垂楊絲正長見山門外繫輕航御風高躡吳羌頂一簇
樓臺挂夕陽

山空寺迴落疎鐘峭壁懸泉處處逢黃葉打門僧入定白雲
斜護一株松

行過虹橋路小歧庵居幽僻少人知鳥囀斜日客帆卸清磬
一聲花落時

赤岡山勢望崔巍煙寺蒼茫帶夕暉山外白雲山下路滿林
黃葉一僧歸

羽客當年馭鶴游人民城郭幾經秋仙蹤望斷無消息月色

溪聲共一樓

盈盈碧水匯重城渡口無人艇子橫幾日前村風雨急一溪

新漲似潮生

馬

錦字古芸海甯人候選鹽運判著碧蘿吟館詩集

家傳畧小桐谿馬氏爲善於鄉數世矣古芸與其從兄弟芝亭雨如益致孜不倦水旱振救必爲鄉里倡久因場屋志益奮結雨人社與知名士角藝寒素者助膏火資不少倦中年遭疾遂謝去專力於詩才思橫發而不詭於正

題謝孝子傳後

孝子嘉興人

孝子生無顯名孝子死有信史孝子者誰謝厯山呼天搶地嘗諸艱母溺水兒在岸兒急奔救心膽亂奮身投入洪濤中負母出水兒之功父病逆旅兒往迎之有祖在堂兒泣告之惡鬼擲掄不得施神靈左右相護持道旁耽耽猛虎飢徒手

而搏如伏雌祝融肆虐父驚失色援父出火是兒之力孝子
孺慕六十年自始至終無衰焉生難隆其養死乃表厥阡君
不見煌煌綽楔榮考妣俎豆春秋報禋祀嗚呼謝孝子

甘孝子詩

小孝子甘遐年自始至終天性全父國棟母氏龔相繼而歿
降鞠凶孝子十四習負販歸攜甘旨供羞膳有時觸怒跪親
旁親顏未解增傍徨親病籲天乞身代湯藥無靈刲股碎有
兄督率唯唯承俯愛諸弟如友朋嫺黨貧苦賴調劑姑母孀
居養在室秋霜春露心愴然思親哀泣墳墓前至今江陰人
稱爲小孝子乾隆乙未孝子生道光乙酉孝子死越二載丁
亥具冊府縣申合詞請

旌疏上陳督臣琦撫臣陶學臣辛

題朱竹垞先生所遺兩孫析產券

一紙析箸書出自竹翁手著述矜盛名千金享敝帚煙雨事躬耕瘠田數十畝爰以授兩孫彼此均薄厚曝書亭雖荒清貧寶世守請同買驢券千載傳不朽

朱子白鹿洞注易硯同笠湖梅坪作

硯質堅闌坤乾硯色黑備太極規方尺寸磨不磷六十四卦本義申玉門讒謫姬策演尼山韜晦韋編陳朱子欲搜河洛蘊童年畫沙卦變新觀玩自此挾大旨日事鉛槧疲精神手攜一硯游匡廬白鹿洞中講學居復將爻象作詮解妙悟獨得天機舒二篇十翼各分卷編次不同程氏書時正四十有七歲年或可假觀盈虛所歎範圍由造化遞世當占屯蒙餘操守要惟介于石遭逢豈必包有魚後人羽翼眾論補乃有

炳文與良輔朱子有靈硯不知歷宋元明以迄斯倘憑硯之始終資考覈當以淳熙三年丙申銘其額

寄馮柳東復疊蘇詩松風亭韻

春光愁隔東西村風雨冷斷胡蝶魂久遲梅里客不到清溪楊柳煙昏昏我家羣季亦俊秀相期夜宴桃李園踏青節過天乍霽酒香飛繞花枝溫晨興簷鵲寂無響一輪遠射搏桑暎橋松社櫟各異用掄材自昔同匠門君有著作傳不朽笑余詹詹鳴小言巖阿散髮事頽放豈堪叱馭隨王尊

朱錫蕃

字晉齋海甯人
著留耕堂詩草

杭郡詩三輯晉齋長於律句體物尤工泉聲云鶴從活水源頭出知是空山雨後來菊枕云買酒牀頭金未盡游仙籬外夢初回春草云西堂有句勞孤夢南浦消魂又一年皆可誦

夢至一枯廟有僧乞詩口占一律醒而錄之

重尋台刹訪高僧飯後鐘聲隔遠村最上乘禪參已透悟空
心印奉尤尊雲閒孤鶴飛無定鉢底青蓮吐復吞應愧東林
難結社不如行腳走沿門

丁

芸

字墨農嘉興人
著墨農詩草

孫澍曰墨農工繪事詩長於賦景
馮柳東太史評爲詩中畫良然

晚泊吳門

曉氣開新霽朦朧客夢孤片帆收落月雙槳劃秋湖遠樹不
成綠疎星淡欲無紛紛煙靄裏城郭是姑蘇

晚登上方山望石湖

乘興來登百尺巔望中歸鳥沒寒煙銀蛇萬道月臨水征雁
一聲秋滿天湖影碧浮紅樹外梵音清度翠微前范公亭榭
今何在回首西風一愴然

朱

芬

字香初石門廩貢官廣東感恩知縣著自知齋詩集關南贖棗

耐冷譚香初才華富麗意氣慷慨工古篆石刻嘗遊華山賦四支全韻詩阮芸臺師時爲學使喜曰吾門有吳八庚今又有朱四支矣人因稱爲朱四支

徑山禪堂梅花次姚芝圃韻並寄雪上人

老梅作香凡木槁雪壓枝低玉山倒客裏應添歲暮愁有情
轉爲無情惱莫道無情卻有情一枝獻佛花能早安得瞿夷
賣此花生生不離願亦好花能住空花作臺不教花墮何庸
埽過現因我欲同君借一椽相於結社花中老況有晦朗俱
能詩得句無妨吾自草何時預向梅花約直上凌霄倚穹昊
自題從戎圖

盛時未肯臥林泉囊筆從戎路八千貝子旌旗申甲令夜郎
風雪冒丁年離思怕折關山柳羽調愁聞相府蓮惟有丹青

能縮地江山萬里暮雲連

劉廷楷

字竹史平湖人
著茗華庵詩稿

許仁杰曰竹史聰慧天成能書兼善鐵筆徐雪廬先生
主講觀海書院從學二年詩境日進識者謂得漁洋神
韻

東湖春泛有懷

綠楊城郭枕春流湖上新晴泛客舟一塔鈴聲雲外寺半簾
花氣水邊樓日烘遠岫煙痕碧風度深林鳥語幽欲寄相思
采蘅杜不勝離恨滿汀洲

徐

畿

字宏京桐鄉諸
生著春郊詩集

張一桂曰宏京家貧力學性兀傲不妄干人雖饑粥不
繼有餽金者輒謝曰畿平生不虛受人惠無煩故人繫
也

同程葦村夜過南宮道院訪朱筠廬

長風吹片席飛棹下南湖木落秋聲急天寒月影孤逢人尋
紫府訪友過丹壚今夜山窗夢渾忘滯客途

汪

淮字小海號蘭農桐鄉

縣志淮少負過人之資博學強記以父患風疾晨夕侍
湯藥不可離遂輟舉業居憂哀毀骨立祖塋在休甯者
歲必往省躬爲汪氏世錄俾族人戴一編其知先德
所系一生盡力於詩性好游游境益奇詩境益奧異歿
後素侍郎瀛爲銘其墓

溪行見梅寄所思

船頭坐吹笛池竹煙始綠隔水春濛濛山家酒應熟苔石醒
午醉松風清夜弦孤夢吹更遠幽裏多自憐林梢凍禽窺牆
陰餘雪護思君如春風日日溪上路

憲副公招游龍井入方圓庵謁淮海先生祠堂時祠方

落成

溪行不厭遠，積水開翠匳。愛此秋一泓，寬可乖龍潛。霽雪樵
路見，繁香凍枝含。於時泥漸融，馬蹏滑不嫌。山僧負杖迎，乃
在峯西南。茶煙出松杪，吹作雲壓檐。

堂堂淮海英，清氣留湖山。題詞映苔壁，誰掃煙痕斑。使君烏
帽斜，一笑行春還。兩歧識豐樂，重光尋仙源。杉厓架屋牢，林
磬當晝閒。勿謂寒泉清，使君清於泉。

過王吏目幽居時林亭已爲鄰園有矣

柳花吹盡，溪水香數家。溪上同魚梁，燕子已將春色去。馬蹏
爭似游蠶忙，愛君渚亭寬一畝。書卷等身杯在手，有時橫笛
綠陰深。隱隱青山映窗牖，自言罷官能忍飢。負米往往千里
歸，笑擁萊衣倚醉舞。別營茅屋題新詩，看君四壁猶如此。白
頭萬事隨流水，孤劒昏燈聽有聲。天涯知己竟誰是，苔院情

惜花亂飛晚紅尙爲主人開明朝酒盡歸何處唯有雙鷗日暮來

秦憲副於孤山之陽立祠祀蘇文忠公以十二月十九日公生朝致牲醴淮獲同游遂有是作

雪裏看山山更綠茆堂曲折剗山腹使君騎馬風入衣自汲山泉薦秋菊公生眉州謫儋州偏此遺愛桐鄉留逋翁宅荒獨鶴下水仙祠冷蒼煙秋使君系自淮海出趾美只今仍治浙數峯欲割裁眉雲百甌催飲西湖雪報功自昔重三賢千載論交思渺然溪路歸來花壓帽笙歌歡擁萬人看

曲江叔從羅浮還遺胡蝶繭一雙

羅浮十月梅花飛鳳子食花身故肥罷官莫訝歸裝重柳栗擔來繭如甕燕子年光老圃家綠陰門巷多落花過牆有時

吹竹紛交影若欲開籊衙夜來抱蜨夢初美炙燭山妻喚我起我身那得化作葛翁衣丹霞萬里同爾歸

陶篁村自定其詩贖橐猶等身坎而瘞之會稽山中人號詩豕梁山舟侍講招同賦詩以表其阡

我輩豈合蓬蒿中清氣疑與溪山通詩卷終須藏禹穴神鬼夜泣雲晝封會稽詩人坐詩窮一杖倚壁如瘦龍不知天地留棄物要鑿渾沌開吟筓飢來溝壑填亦得況此殘香贖橐收拾歸樊籠我欲酌汝酒磨盡濡頭墨一斗我欲招汝魂隔江吹笛秋能聞不見杏花村路酒旗舞野燐滿地風吹雨越王臺上烏夜啼知有精靈草根語

吳兔牀明經乞小桐溪館詩時將渡桐君江題其畫卷以當話別

蒼桐一株垂乳密山暖生煙高受月桐花開盡不開門似有
琴聲隔溪出君臥溪上樓幔卷樓上頭溪聲滿耳花插鬢翠
氣四合如清秋我亦桐華溪口住騎馬醉尋江上路憶殺桐
陰與溪水不知酒盡歸何處

將買舟入新安程易田徵君方渡江來夜過話別

故人如野鶴煙暝忽飛來我亦橫江去丹霞半壁開滄波留
斷梗蠟屐更荒臺頭白誰相待孤生笑草萊

沈

珏字崑生號雲嵐桐鄉人著雪香書舍詩集

家傳畧先生幼穎敏生平志在躬行奉楊園爲的論諸
子曰讀書不必舉業求益我身心而已樂善好施尤精
醫理族中無力婚嫁者出田產助宗祠以贈之

仲夏偕郭頻伽徐雪廬宋小茗夏夢禪小集以荷露試

松羅茶次頻伽韻

清曉荷池露氣涼金華輕爲瀉花房欲消冰簟秋前暑先試
紅衣瓣裏香點易正須臨水檻引杯還許潤詩腸拈毫有客
饒佳興添得茶經字幾行

費

鈞號雲坡烏程人官山西太谷縣主簿箸雲地

嚴可均跋畧雲坡詩才不大而品甚高於唐近章左司於明近高蘇門澹而彌旨和而不流得性情之正

登蔣漚文昌閣望太湖悼吳刺史晴椒

具區五湖一傑閣踞迴塘我來日正午清風生夏涼輕帆接
雲影遠水搖天光連峯七十二萬古涵青蒼決背望西北一
氣浮洪荒盪空浴白日魚龍交回翔於穆際泰運底定緬前
王霸圖賸形勝吳越更興亡人事有代謝千載何茫茫逝水
無回波朝槿無晚芳忘情非鷗鳥達生非蒙莊憑高結遐想
感舊增悲傷

金節婦詞

角枕雙蒂花錦衾同功絲結縈遠辭親生乃得所天雙蒂無
獨折同功無獨全辭親遠結縈死亦當共捐同生不同死苦
心更何似生死豈自知惟知慰夫子

送嚴鸞坡先生之平望

滿目蒹葭冷依人獨去時西風雙鬢短斜日片帆遲別緒濃
於酒愁心亂若絲歸來知歲晚冰雪好論詩

夜過古庵

乘興尋幽到上方滿堂暮色正蒼蒼穿扉明月秋如水照壁
殘燈冷欲霜清磬寂寥僧入定暗蟲蕭瑟客驚涼我來始覺
塵心淨雙樹無花有古香

戴

珣字慈甫號蓉塘歸安諸生

倪烈婦行

并序

烈婦仁和王通甫女幼賢淑閑閨訓年十七適同里
倪鴻昌甫三月而夫亡時翁姑俱在堂貧甚氏兼子
職勤女紅以俱薪水頗得堂上歡平居匿迹不出鄰
家罕覩其面嗣因年荒或慙惠翁姑令其改適氏聞
再醮有日隱忍不言檢所存衣飾呈堂上是夕密縫
衣襟披髮蒙面赴太平橋投水死此道光八年四月
閒事里人嘉其節烈爲請旌二十四年十一月寓
居太平橋主人徵詩於余因作是篇

君不見男兒之軀七尺強鬚眉如戟何昂藏祇因末路欠一
死雜臣傳例嚴歐陽偉哉倪烈婦峻節侔冰霜初爲貧家女
織作辛苦分餘光復作貧家婦蓬門不識時世妝爲梁鴻婦

有椎髻爲宋宏妻甘糟糠一自所天隕煢煢稱未匹伯道無
兒將誰倚羅敷有夫安可望誓隨精衛填渤海菽水誰復承
高堂妾身願作女貞木衰門薄祚猶支撐茹苦含辛已七載
可柰媒孽來中傷母也自古有不諒何論此意出姑嫜妾聞
此意不敢言傷心不覺言之長翁姑白髮已蕭蕭夫壻黃泉
徒茫茫可憐一飽且不得那顧禮法嚴爲防衣裳雖舊嫁時
物寒至猶可縣重裝其餘釵鈿賸無幾飢來亦支數日糧一
一交付翁姑去淚珠滾滾流盈眶恩恩徹環瑱密密縫衣裳
三更月黑人不見雙扉夜敢行踉蹌千門萬戶寂無響一橋
橫界波中央水聲汨汨流不住泉下之遊殊徯徯嗚呼君不
聞懷清有臺高百尺曾傳下詔頒秦皇彼其有貲足自衛貨
殖直欲傾侯王又不聞魯之九寡足千古名其洙泗流湯湯

彼其有子足娛老一門多擬鳩在桑烈婦之烈不可及門第
不聞先世昌烈婦之烈不可及清聲不聞雛鳳揚作孤生竹
徒自苦作出山泉亦何妨而乃矢志靡他有如此吁嗟乎直
令柏舟之詩不得獨美乎其姜

沈

燮

號五亭歸安諸生
著桐響閣詩集

辛復廬筆記五亭工詩古文兼善畫觀其筆力氣魄迥
絕時流初沈酣於石田既獲營邱北苑巨然房山諸真
蹟摹之筆法爲之一變性孤介好奇中歲
屢躋秋試絕意進取託畫以隱詩有畫意

諸葛武侯銅鼓歌

此鼓不用桐魚擊聲大而遠來西粵中邊旗戈勢森列云是
武侯軍中物公昔五月將天兵軍行鑄鼓下六丁莖山之銅
粹以精陰陽炭熾洪爐青砢然躍出彪其形非鼓人鼓鉦人
鉦一鼓聲聚百雷霆七十二鼓援枹鳴先聲所至羣蠻驚一

鼓再鼓南方平回師北伐無堅城巍巍銅龍門奕奕銅馬式
盛時聲靈懼萬國王業不偏安漢賊不兩立鼓行祁山師六
出師出中原剋期定如銅山崩齊響應誰言有志事竟成未
絕鼓音大星隕微公漢祚誰能延譙周多壽甯非天篋中羽
扇蛟龍纏木牛不復隨行閒銅鼓銅鼓亦流落世震大名多
贗作好奇得之重璵璠一似裴公寶鐵鑊我鄉嚴生精鑒別
一真足以敵僞百摩挲的是公手澤盡瘁精誠于此積古色
綠似成都桑子甯著面星含芑元精貫中聲不死擊之可以
排天闔巾幗之徒持布鼓雷門流汗走且僵如令後主得中
主何難混一追宣王堂堂十鼓鐫岐陽誰遣陰平踰鄧艾遺
恨茫茫閱人代我今見此欲下拜作漁陽搥亦愉快銅雀銅
駝復何在

卞期元

字端若號棲霞歸安人香樹齋詩文集

耐冷譚棲霞老人詩從眞性情流出澹泊高古適如其爲人

雜興

新絲不上機新縣不上衣三時種稻麥每每收穫稀借問何以然租重地不肥兩年逢水旱一年有蠶飛

三月摘桑葉四月翦桑條五月采桑甚桑田已蒔苗我來從之觀隴隴起農謠不知勤四體乃有荷杖嘲

溪邊一釣叟長竿終日垂得魚亦不計魚來亦不知時時發清嘯溪水爲漣漪日暮理竿去旁人知是誰

荒村

大路高低小路斜未聞雞犬只聞鴉斷橋流水二三里獨樹荒村四五家客至但愁供酒飯兒來何處覓梨楂莫言此地

蕭條甚耳畔曾無市井譁

示里中諸生

南有苕溪水來自天姥峯奔騰無匹耦
蒼山卓其東山水所停峙人物多俊雄
居人不及萬時時出鉅公所以里中塾
家有讀書童饗飧或不足猶來坐春風
皆云讀書好何必憂貧窮誰能爲此言
傳之古老翁

盛存楷

字魯山新昌人
著一粟居詩鈔

俞鍾傳曰魯山秉性誠恪幼耽吟詠父歿哀毀盡禮鄉黨稱其賢性甘淡泊未嘗妄求孫心農太史嘗贈句云
事親孺子色落筆雅人懷蓋紀實也

自題一粟居

南山抱石城迴翔數峯矗吾家對南山嵐氣滿庭綠
東偏有斗室顏之以一粟插架羅縹緗當窗種修竹
曦輪出扶桑晴

光照書屋明月共徘徊清風相追逐日夕坐吟哦聊以避塵俗
天地何悠悠人生乃鹿鹿才拙無所營俛焉此日伏願茲
七尺軀臃腫不材木菽水承餘歡簞瓢樂自足優游過百年
得遂平生欲何必攀紫芝深入愚公谷

李希周

字蓮士號南谿永康諸生著紫蘆山房詩鈔

貞女篇

并序

爲金山丁寶慧作寶慧字馬氏未嫁而夫卒竟至夫
家事姑撫繼嗣因賦四言十解表之

龍淵之波澄清可掬宛在之園葳蕤貞木解一斲木爲琴以奏

同心心同絃絕悲不成音解二泣告慈闈淚珠雨下兒未結褵

兒已許嫁解三兒念兒母還念兒姑母老兄恃姑老誰需解四永

謝鉛華來操井臼姑哭其兒還憐新婦解五無夫婦親有夫婦

倫撫彼猶子嗣我析薪

六解

爲母爲師青燈書史姑樂有孫兒

今不死

七解

梨花墓田麥飯年年生沈隻影死表雙阡

八解

如絲石爛絲轉松心竹筠烈風不變

九解

載揚載頌與古誰儔

陶嬰黃鵠衛女柏舟

十解

題湯參戎

貽汾

太恭人吟釵圖

揚子江頭秋月白黃竹箱中照遺迹鬢釵初賜溯笄年玉燕
頻搔漬香澤自從蛟島妖鵝飛寶刀血溼風折旗珍重玉釵
猶未化忠魂到處護窮嫠嫠室淒清念前事慟夫重隕思親
涕閩水濱山兩別離一釵完缺從頭記吟聲釵影感蕭蕭子
舍蕪城又寂寥幕府新開杜弢武萊裾空舞霍嫖姚競病歌
殘雨如織母澤猶存展遺墨折釵話舊憶年時玉帳宵涼淚
沾臆我爲將軍作此歌文章風節一門多披圖釵與腸俱斷

也似王裒廢蓼莪

敗蕉

霜滿空山落葉深芭蕉隨分老秋林莫因憔悴連根剷恐有
春來未死心

陳

郁

字維監浦江
箸雪樵詩鈔六卷

思貢

朱禹跋畧雪樵先生詩根柢盤深筆力雄健初師杜少陵後出入於唐宋元明及國朝諸大家而運以己意

小園

小園微雨霽獨步且徘徊燕子幾時到桃花無數開貪看春
色好不覺歲華催身世蹉跎意澆愁託酒杯

孝感泉

義門古蹟之一

滴滴千行淚盈盈一勺泉我來思汲飲不覺涕淪漣風木悲

猶在雲山恨復牽更無親啜水嗚咽詠斯篇

燕子曲

天蒼蒼海茫茫煙水闊雲山長去時柳條短來時柳條長
長條短年年換憐爾江湖身世忙有婦樓頭喟長歎傷心燕
子開簾見燕來燕去有程期轉恨人心不如燕前歲客京畿
風雨關山音信非燕子去時人亦去燕子來時人未歸春雨
筍初肥春風花欲稀美人階下立相見且依依歌曲莫辭弄
酒盞莫停揮君不見橋朱雀巷烏衣閒花野草生斜暉惟有
年年燕子飛

許乃普

字季鴻號溟生學范子錢塘人嘉慶庚辰一甲

府志乃普少善真書以癸酉選拔貢生入部曹直軍機
庚辰會試以第二人及第先後視學貴州江西典河南
湖北山東順天鄉試癸未壬辰鄉會同考乙巳癸丑丙
辰副會試總裁所得多魁傑士直

南書房以文字結

主知

成廟寵眷優渥雖以忤時鐫級輒復遷擢如故咸豐八年秋

英人北犯

文宗將狩灤陽抗疏諫及

乘輿既發乃馳謁恭邸于畿南中途感受霜露遂嬰重疾力

懇致仕卒年八十有九

賜祭葬

予諡文

格

題李桐村冷泉待月圖

冷泉出危峯亭中極幽敞空翠落秋影虛白滌塵想恍疑仙
人來蹢躅曳鶴擎笑揖圖中人贈以邛竹杖飛泉不到處松
心自孤往明月照吟襟遙情挹秋爽

送番禺張南山進士

維屏

之官楚北

神仙風利忽迴舟直下長江萬里流天遣詩人作循吏我知
民命待賢侯不妨遊戲雙鳬舄莫話文章五鳳樓聞道波濤

瀛海闊何如吟嘯到黃州

俞

焜

字昆上號雲史錢塘人嘉慶庚辰進士官

國史

列傳焜道光二年散館授編修八年充順天鄉試同

義以正倫紀下部議行著爲例十六年協理京畿道事

京察

一等授河南彰德府知府二十五年以東河大工出

記名

以道員用二十七年正月擢直隸永定河道三月調湖

命會

同地方官督辦本籍團練勸捐焜傾產倡捐志在毀家

旨優

敘難得九年以督辦團練操防出力

賞還

道銜十年偕前任內閣學士戴熙率眾登陴親放槍礮

卹贈

數賊因眾寡不敵被賊矛洞胷歿于陣眷屬多殉焉焜

諭準

于死事地方建祠妻陳氏及其女一併附祀以彰忠節

賜諡

文節五年巡撫馬新貽奏稱焜風烈堪欽

兩浙忠義錄姓由翰林補江西道御史稽察崇文門城
吏苛擾久爲民患與滿御史薩霖力阻遏之積弊漸革
適有粵餉至吏仍苛索因與薩霖疏奏監督某招飲壽
以千金皆不應某遂奏撤出守河南彰德民頌其仁道
光壬寅河決充引河總隸永定河道旋改湖南衡永郴
桂道權按察使因案左遷比歸寇禍日熾咸豐初奉
旨籌防以勞績復官庚申二月省城不守賊至擊以挺遂被
害事聞
賜諡建專祠

徐左甫遺稟題辭

一編賸作吉光看老眼摩挲忍遽刊底事蘭膏還自爇悔教
溺苦鉤心肝

昂昂千里失名駒嗜學應嗟此日無我亦驚心泡影幻廿年
清淚灑童烏

馮登府

字雲伯號柳東又號勺園嘉興人嘉慶庚

府志登府勛書媚學箸述等身阮宮保元徐侍郎士芬
李宮贊泰交皆文字至交詩宗金風亭長坐詠勺園寒

馬登府

缸暑簾或吟轡所至兼喜倚聲尤熟掌故中

年游閩修鹽法志福建通志名震海嶠間

曝書雜記柳東石經文字疏證最密近著十三經詁答

問三家異義遺說尚未授梓自謂詁經頗有潛研謝山

所未及三家異義遺說則

當勝范氏家相所著書

緝雅堂詩話柳東詩宗錫鬯曾搜錄曝書亭未刻藁爲

外集所著經學書已刊入學海堂經解十三經詁答問

近有刻本頗涉破碎其閩中金石志十四卷石餘錄四

卷唐宋詞科題名錄一卷玉堂書史補六卷皆未刻浙

江甄錄曾見于焦山書藏當與

張氏燕昌三吳古軌錄并傳

秋懷用東坡遷臨臯亭韻寄陳芝楣方伯并感黃在軒

水部

秋至催割禾麥熟好鍛磨朝朝夢飯甕吉語無證左一官不

庇身兒嘸兼妻餓齋冷似山居客來不驚坐八九常失意五

十欲寡過感念平生友年少有幾箇督井豈任汲賣酣久卸

馱頽然成禿翁甘守一瓊破料理煩公卿虛望萬錢賀懷舊

想應同苦雨託楚些

漢石經攷異告成用昌黎石鼓歌韻記之

皇初以來重文字書陳誥誡詩弦歌子賤口授易沿譌難辨
繁籀兼荷何熹平勑立石經體意在攻誤如操戈七十二碑
堂十丈中天日月誰能磨歐陽夏侯溯傳授盍毛周包遠蒐
羅公羊嚴顏詩則魯鴻都詔立何崔崑蘭臺私書敢求合車
闔觀塞來嚴阿六經正文出一手八分妙隸豪頻呵棠谿趙
臧具姓氏篇終紀字良不訛上追史籀下程邈點畫纖勁文
殊蚪煌煌古義星燦列若鐘撞鯨鼓鳴鼉鮮光黼衣合退壁
山藎欲輪殊枝柯三歲宦女鼠食黍百年饗國龍騰校集就
度宅一聲轉例以郁夷變委蛇淫酒游田戒公旦先心爰象
採羲娥後來版本漸羈僞卮言紛辨何滂沱惜哉豐碑半沒

水殘文剝鬻留光和一宇三字各立論或隸或篆忘分科鄱
陽片石得已缺東觀餘論存無多老兵磨劒牧敲火長安秋
雨經銅駝吁嗟金石等瓦礫流傳脫本煙雲過我生嗜古類
蟬蛙蟲魚參校朋相磋原探皇墳得本始津學河海排狂波
堯典弟一大手筆改字無煩陂易頗開元君臣尙舛陋紛紛
聚訟矧其他因思議即得真古坐對柯竹漸嬾媚青衣賦罷
空歎息朱弦鼓後徒摩抄頻年甲乙罷高試知音不遇猶長
哦疇鯢鱗扁窮奇僻書成肯換義之鷺方今太學重石刻經
學治世徧朝那鴻文金薤繼炎漢草茅誦習忘坎軻蓬萊片
玉世知寶不任零落歸鄴河便當摹勒獻
闕下區區臣意豈蹉跎

甬江太白樓

高樓三百尺遙峙雨江濱萬古有狂客四明多故人騎鯨天
姥夢弄月錦袍新逸老空堂在風流賀季真

冬日同人丹井試茶

茶夢松風昨夜圓

前夕夢白髯翁以硃砂白泉見贈

空山歲暮結仙緣聽詩

愛坐三層閣煮雪來尋一勺泉丹鼎難求醫俗藥白衣翻悔

出山年平生慣喜窮荒率烏帽青鞋夕照邊

陸

沅

字芷江平湖人嘉慶庚辰進士官河南甯陵知縣著詩集

縣志沅生而穎異甫十歲徧誦十三經及史漢文選諸書舉嘉慶辛酉鄉試年僅十有七庚辰成進士改庶吉士授甯陵知縣甯陵地瘠民貧又當孔道凡解餉解犯及采辦硝磺所需車馬夫役均輸自民閒沅至悉捐廉官雇是時銀價貴州縣徵錢糧苦賠累鄰邑輒籌增益沅獨持不可曰此加賦也民即勉應於心安乎調署內黃內黃為通省糧艘開兌之區稽察繁劇沅酌定辦漕章程一一親自覈實積習一清尋以疾請假囊橐蕭然

宿芙蓉村

萬朵綠雲裏孤村三兩家徑斜人讓樹地僻鳥爭花春草臥黃犢夕陽鳴亂蛙客情渺無際疑泛水鄉槎

韓鳳修

初名鹿鳴字仙甫號補亭蕭山人嘉慶庚辰進士官廣東潮州知府

三十六江樓夜泊對月懷制府阮芸臺先生

樓距三水縣城南數

里瀨江高時萬頃一碧樓額爲制府手書

誰扛健筆快登樓廿六江天腕底收對坐二分明月夜爭教人不憶揚州

節鉞新移向古滇蒲帆西指亦前緣多情好約樓頭月伴我關山路六千

繫龍洲

洲在梧州府東大江上一名浮州

怪石飛來臥江浦一繫沈沈幾千古我欲叱之騰雲霄江流

倒捲作霖雨

畫山觀阮芸臺先生石刻

清瀨石壁圖五字制府閱西兵時過此手題

晴巒如畫照江流一幅清瀨翠欲浮天上使星題五字蠻荒
翰墨足千秋名山原仗才人重韻事能邀過客留便欲硬黃
摩挲去差勝載石壓歸舟

種蕉堦下雨後新綠可愛

瀟瀟昨夜碧紗廳一段春愁落膽瓶倚檻鬚眉能借綠開窗
筆硯欲浮青卷舒似我心無礙得失何人夢未醒半月移栽
眞敏樹滿階生意不曾停

謝公墩

江左風流客山居早擅名從容司馬帳談笑壽陽兵絲竹杳
然寂楸枰老此生一墩遺蹟賸衰草暮雲平

戴逵宅

我讀閒游序來尋隱士莊一蓬推雪曉雙鷺立波涼剡曲空
流水桃源何處鄉白雲高臥地松竹總蒼茫

梅福寺

一徑入雲根雙扉古寺存變名隨越相乞食傍吳門冰玉同
清潤煙霞互吐吞靈旗風雨合我欲賦招魂

郭象升

字用積號味蔗金華人嘉慶庚辰進士官廣東文昌知縣著味蔗詩草

郭啟周曰先曾祖學養深遠一時名士多從之遊居官箬循聲歲旱禱雨立應邑多蝗檄於神飛蝗出境

平昌土產八詠

錄四

木棉花

樹高大花紅絮如蘆不煩其煩而可衣者乃另一種係草本花小色白

照眼紅凝十丈霞東風一例鬧繁華豈知衣被蒼生用別有
人間本色花

榕樹粵中有極大者其下可蔭數百人

濃綠參天不改柯
竭來逃暑此婆娑
將軍老去身閒散
宇下人猶託此多

波羅蜜

參透波羅甜似蜜
我來南土當西天
而今不用拈花笑
現宰官身已四年

自然醺作繭桑枝上不由人養

生世光陰寄一枝
頻年辛苦理勞絲
託身不到扶桑頂
懊悔當年食葉時

汪百祿字桂山桐廬人嘉慶庚辰進士官四川三台知縣

四十自述

鄉書迢遞卜燈花
白髮慈親飯頗加
弟妹十年婚嫁畢
妻孥

一室米鹽賒出山尙覺泉非濁看鏡方知髮已華寸草情懷聊慰藉子由早歲克持家

鄭宗翰

字香石烏程廩生箸香石吟草

入川

遠水從天落層巒拔地來客行應不易眼界此重開艇小輕于葉灘雄響似雷探奇從此始一爲倒深杯

客中午日

無端人逐轉蓬飛芳樹成陰綠意肥客邸倍憐佳節至浪游翻惜壯心違前津花發明朱火遠岫雲還隱翠微行篋欲開頻又止五絲曾繡老萊衣

嚴鼎臣

字徐卿歸安人箸蘋花草堂集

府志鼎臣精小學工辭章其詩古質清厚七古尤健文則一本先民矩矱而能出之以自然箸有說文聲律表

耐冷譚昔年至嚴氏芳椒堂脩能謂其姪徐卿才脩能
歿後徐卿始來以詞藁見質近且留心音韻之學詩不
多作然望而知爲學人之詩非俗子所能媲也

贈沈蘆舟先生

曾裹餽糧萬里遊平生壯志竟誰酬鈔書肯借慈恩宅放筆
還登太白樓庾嶺花香晴試馬秦關霜冷曉披裘而今已把
塵襟滌要作林泉第一流

閒來慣向綠陰眠自寫心情寄七絃從野鷗遊觀逝水送歸
鴻影沒遙天能通逸響神山外別溯元音太古先東海相招
同命駕孤懷深恐負成連

吳玉樹

字靈圃歸安人著
寶前志畧十二卷

題集益齋玉蘭倡和詩卷 并序

家太僕西園公與海內英賢交游倡和饒富得四十

卷名曰士林珠玉恭靖蔣公瑤贈有玉蘭花下重攜
手句文衡山嘗爲此花寫真一時騷客題詠幾滿真
本今藏郡城趙聲喤家余每索觀不勝神往方伯止
菴公亦有玉蘭倡和詩 國朝易齋學士同先大父
我雪府君嘗與名士觴詠花下結雙溪詩社辛酉余
訪求先輩玉蘭吟詠惜多散佚得讀茲卷愴然有感
即用原韻并繫之序

僻墟幾百載留斯古榼榼漪漣前溪流掩映瓊瑤花迎風香
馥郁籠月枝橫斜陽春二三月眾卉靡不嘉春風滿寰宇何
獨歸君家漫天撐珠障簇簇堆奇葩縱橫吳越閒誰與爭繁
華凌波飛雀舫

菱湖一名
凌波塘

高蓋來若耶排空闢險韻奇文盈

五車滄桑有遷變散佚增咨嗟往復花下人恩恩如流霞主

人自珍重莫惜花前茶

高

第

號穎樓蕭山諸生

緝雅堂詩話穎樓少擅制藝負盛名以體藏善病棄去博治經史兼善書畫尤致力于詩阮文達洪北江並激賞之配孫蓀意若玉亦工詩多唱酬自寫額粉盒聯吟圖北江贈詩有云青翦綵菱追往事金童玉女豔當時蓋山陰祁忠惠公反商夫人皆能詩里中有金童玉女之目穎樓郡先達也所著已刻者十餘種今僅得額粉盒集六卷為詩續彙自題第三十四種則散佚者多矣

寶摩丈偕周竹生過訪留宿聽雪山房

小住翛然雲水鄉不辭著屐共相羊
鳥聲穿樹滴新雨花氣撲人生
夕陽老去襟期猶磊落年來詩句益清蒼
春宵肯作蟬聯話翦燭何妨更對牀

同愚溪弈

官閒夏日長吏散衙齋靜愚溪淡宕人心空
俗緣屏相將為

手談頗足消晝永樹深池館涼香消篆煙冷風吹落子聲簾
波漾千頃國手世所難得失何喜愠何如羊善保賭得宣城
郡一笑起推枰夕陽轉花影

額粉盦同茗玉

葉底綵絲最耐聽坐深涼月上疏櫺如風忽地掠人過吹落
半空藍尾星

陳景潮

字龍峯分水巖貢候選訓導

烈馬行

於赫我祖信夫公虬鬚燕領雙青瞳一劍光芒射牛斗一聲
霹靂鳴強弓常騎駿馬獅子駢此馬來自大宛東昂然七尺
曳秋練竹批雙耳如碧筒虎帳健兒控不得特與將軍抒赤
衷何期厄運遘陽九濠州兵起婺守空進取建路及溇遂復

梟首將余與洪非降卽走鳥獸散敵愾誰與稱
熊我公義膽出天性屯營親授虎符銅守茲分陽斗大邑厲兵欲恃偏
師攻怒馬躍出突前陣騰驤不藉皋比蒙玉華山前金鼓震
彼眾我寡難爲功草木含愁白日暗惟識爲臣當死忠飲泣
九泉旣已矣不圖坐騎能相從臣能殉國馬殉主凜然生氣
潛感通至今奇蹟挂人口道旁片石垂無窮

昭代覃恩發潛德享祀秩禮春秋崇牽牲醢辜和鬱鬯炳然
大義開鴻濛有廟翼翼南屏下丹青兼貌玉花驄摧秣芻葵
垂故事揚枹拊鼓酹靈宮嗚呼天下非無馬此馬之烈當誰
同

戴

縉字蓮峯遂昌歲貢

府志嘉慶乙亥學使汪瑟菴侍郎以煙雨樓鶯花亭命題試士遂昌戴縉獨見激賞居平淡泊寡營課徒自給

多所造就

煙雨樓

在舊治郡守張嘉言建范成大書榜後廢

俯瞰春城似畫圖一天煙雨影模胡霏霏瓣落梨雲溼滑滑
聲爭竹徑呼高檻依然平雉堞前溪錯認是鴛湖當年衙散
登臨日笠屐風流比大蘇

鶯花亭

在舊治南園郡守范成大建

百花深處囀鶯兒喚醒孤亭客醉時薄譴任他馳白簡舊班
無復綴彤墀紉蘭結佩靈均賦九藥飛聲杜老詩宋代銅駝
荆棘裏留傳獨有黨人碑

董

旅

字叔振號魯齋泰順人

羅陽詩始三弟天質純厚好學不遇中道摧折可傷也已

登隆山塔

誰言高處險放眼覺身輕海日多寒氣天風有嘯聲萬家煙
樹渺一縷浪花明空闊真無際飄然得遠情

過南峯寺

一聲清磬度恍自隔塵寰地靜真宜佛雲飛不礙山聽經幽
鳥熟馴藥老僧閒幻念何緣息安禪願未慳

兩浙輶軒續錄卷二十九